

Arubaanse Courant

Directiva y anuncio, tel: 1116
Redaccion y subscripcion, tel: 2116
Manager E. Wouters

Dialuna 24 di Mei 1965.

Boerhavestraat 12, Oranjestad
Subscripcion pa luna fl. 3,25
Un edicion los fl. 0,20

NA COLOMBIA:

GOBIERNO TA TUMA MEDIDANAN PA STOP VIOLACION Y CRIMEN

Pá: Hector Ramirez.

BOGOTA--UPI--Gobierno di presidente Guillermo Leon Valencia a autorisa ayera nochi e convocatoria di consejonan verbal di guerra pa juzga e responsabelnan di e delitonan di secuestro y extorsion, cual repeticion na diferente provincianan di e pais tabatin alarma y intrankilidad di e colombianonan.

E medida aki a bini ta aumenta cada dia e efecto di e estado di sitio, cu a ser impone ayera pa enfrenta e situacion di violencia complica, inseguridad personal e infiltracion comunista.

BEBE.



Nunca E ta Varia

Gobierno a dispone tambe cu e tribunalnan militar, mientras cu e estado di sitio ta na vigor, ta conoce otro delitonan contra existencia y e seguridad di e estado, mescos cu otronan cu ta trese peliger comun, manera canchala.

Ayera Gobierno a prohibi e manifestacionnan publica y a autorisa e gobernadornan provincial pa controla e movimiento di personanan, y establece censura previo di prensa e impone e ley y toque de queda.

E ultimo incidentenan a ser registra den e ciudad di Bogota y Tunja, na unda gruponan di estudiante a harle den e mesun actitud violento cu gobierno a dicidi di impone e estado di sitio.

E incidentenan a laga un saldo di diezdos estudiante herida y mas o menos ochenta polis leciona, durante e ultimo binticuater oranan.

E observadornan ta bisa cu gobierno ta preparando un serie di medidanan pa trata na resolve e problemanan economico y social cu ta afecta e pais, usando e facultadnan di e estado di sitio.

E comandante di e brigada di institucion militar, general Omar Gutierrez Ospina, a duna entre tanto un comunicado cu hobennan extremista ta distribuyendo pamfletanan cu ta contene indicacionnan riba "algun formanan di lucha den e ciudadnan".

E pamfletanan ta indica e forma di lucha contra autoridadnan, provoca violencia, y contra ha bom.

E militar haltu ta advertie donjonan di tiendanan, laboratorio y depositonan pa nan controla e substancianan quimica contra di violencianan pa parti di elementonan extremista.

Bogota--UPI--Como consecuencia di un ola di disturbionan estudiantil Gobierno a pone estado di sitio den henter e pais. E medida a ser anuncia despues di un reunion di Gabinete qu a dura shete ora.

E medida gubernamental ta prohibi tur manifestacion publica y ta autoriza e gobernadornan provincial y e alcalde di Bogota pa pone censura, toque de queda



E situacion aki tabata reina diabierna atardi cuarto pa seis ora cu un pick-up carga cu botter bashi di limonada a boltu riba su banda drechi. Chauffeur di e auto, kende aparentemente tabata bao di influencia di alcohol, a bai pasa tres auto sigi na cabamento di Fergusonstraat cumenzamento di e caminda grandi y a ripara mucho laat cu un otro auto tabata bini for di direccion contrario. Pa no dal frenta a frenta riba e auto aki e chauffeur di e pick-up muy probablemente a baha for di caminda, ranca algun di e palo-nan di trafico corra cu blanco pa despues bai resulta riba su banda drechi, cara pa aeropuerto. E foto ta muestra e chauffeur sinta riba e truck ta keha di dolor. E accidente aki ta muestra tur chauffeur kiko por ta e resultado di pasamento di auto na haltura di un lorada. Danjo material F. 700,-. E chauffeur diasabra a bolbe recobra su conocimiento den hospital y ta sigi bon.

y prohibi bendementu di bibidanan alcoholica.

E decreto ta especifica qu Congreso mester mantene su mes den un sesion permanente durante di e emergencia aki pa yuda Gobierno mantene orden publico.

Intrankilidad estudiantil a cuminsa mas o menos 11 dia pasana Medellin y for di e dia eya extendi su mes te na Bogota, Bucaramanga y Barranquilla. Mas o menos 30.000 estudiante a wordu afecta pa disturbionan qu nan a cuminsa na Medellin, ora cu polisnan a reprimi un manifestacion di estudiantenan contra e desembarco di trupanan norteamericano na Santo Domingo.

Polisnan a sigi e estudiantenan te den e Universidad di Antioquia, violando di tal manera e tradicional autonomia universitario, cual a habri caminda pa protestanan nobo y renuncia di e rector. Despues e estudiantenan di otro universidatnan a tene accionnan di protesta den apoyo di nan companeronan di Medellin.

E decreto, qu a ser duna di conoce pa presidente Guillermo Leon Valencia, ta califica e desordennan publico como acto-

nan relacion cu intentonan contra di libertad, bida y propiedad di e ciudadanonan.

Esaki a ser interpreta como un referencia ne ola di secuestro-nan qu a tuma lugar ultimamente y tambe ne actividad di e "bandoleronan" den interior di e pais specialmente den e provincia Huila.

Un senador conservador a previni su coleganan qu e comunistanan ta tratando na converti e pais den un di dos Cuba, y qu, a menos qu e pais aki enfrenta e situacion, "e dianan

di e colombianonan como pueblo liber tabata conta."

E colombianonan a ricibi e noticia di estado di sitio cu relativo calma. Ya nan a anuncia qu ta posibel qu Leon Valencia lo a hasi esaki pa di tal manera logra un ley di emergencia qu te ainda Congreso no a aproba.

For di varios siman caba Gobierno a enfrenta problemanan grave social, economico y politico, y e inestabilidad parlamentario, a impedi pa conta cu un ley efectivo.

"Sucesonan den sala di husticia"

ORANJESTAD, 24 mei - E chauffeur C.F. di binti un anja, tata di cuatro yiu, de anochi di bintinuebe pa trinta di april di e anja aki, a hinka un tal C.M.R. dos biaha cu un sambechi na Tanki Leendert. El a hanja un castigo di tres luna y binti dia sera, di cual tres luna ta condicional cu un tempo di prueba di dos anja y kitando e tempo cuya e acusado a pasa sera.

E acusado aki, segun e sentencia di huez cu tabata igual cu loke e fiscal a pidi, mester a bai sera pa binti dia, pero como cu e ta sera for di dia trinta di april e por a bai cas despues cu e

raad a caba pa motibo cu ya el a pasa mas di binti dia na Dakota y e sentencia ta bisa pa kita e dianan cu ya el a pasa sera.

E trobel entre e acusado y e victima R. a cuminsa dia bintinuebe banda di un club na Savaneta. Despues a parce cu e dosnan aki a haci bon atrobe y evictima segun e acusado a conta, a invite pa bai Noord. E acusado a bai cune, pero no pa bringa. Na Tanki Leendert nan a pega pleito atrobe y pronto nan dos tabata na suela. Durante e pelea aki e acusado a propina e otro un corta

continuacion riba pag 2

FATUM
Pa tur bo aseguronan.
Tel. 1945.

VINAGER

Selecciona, edita, comenta
y presenta semanalmente



Pa Pancho Lopez

E siman aki lo mi bolbe trata un carta di un lector, kende a scribi entre otro lo siguiente:

E lector R.F. aki cu ta biba na O., ta un persona cu ta biaha hopi especialmente cu avion, den su carta e ta scribi lo siguiente. "Mi tin hopi anjanan ta biaha en coneccion cu mi trabao. Varios lugarnan especialmente den territorio di Caribe y Sur America mi a bishita. Na tur e lugarnan aki e trato na aeropuerto, especialmente na aduana ta varia masha hopi. Tin caminda cu nan ta bira bo valies boca bao pa mira loke por tin aden cu no por pasa. Sinembargo esaki na majoria di e lugarnan ta sosode na un manera decente y comprendibel, especialmente si bo tene cuenta cu e lugarnan caminda continuamente tin borchincha y irregularidadnan ariba tereno di bandedez. Tur esaki masha bon. Pero algo stranjo y casi incomprendibel pa mi tabata ora cu ultimamente mi adrenta Aruba hunto cu un companero di biaha kende for di Estados Unidos a bin nos isla en coneccion cu cierto investigacionnan cu e kler a haci ariba tereno di turismo. E persona aki director of representante di un compania masha grandi na Merca cu endudablemente por percura pa poco mas turismo drenta nos isla. Y esaki ta endudablemente loke nos tur kler mas turismo por trece mas hotel y mas trabao na nos isla. Sinembargo e persona aki kende a pasa Vreemdelingendienst na un manera gusta pe ta hanja su mes confronta cu cierto personanan di adouane kendenan, mi ta kere casi a percura pa e persona aki busca e siguiente avion cu ta sali Aruba. No tabatin cuenta di bon dia of bon tardi. Tabata "habri bo valies". Un persona di cual su cara so a ponebo pensa cu bo a haci algo malo y cu dentro di algun momento nan lo pone boel na e homan, a cuminsa ta hinka man den e valies bira e panjanan etc. di e homan aki ariba abao bruha tur cos. Entretanto nan a hanja algun cos di cual nan a hanja cu ta necesario pa haci un y mil preguntas. Algun mas di e caballeronan di adouane a bin aserca y un momento casi bo por a kere cu e homan aki tabata transportando mil liber di narcotica. Despues cu tur e otro pasaheronan probablemente ya caba tabata den nan hotel ta sosegando di e biaha e homan aki por a bai. Mi pregunta ta, tin un control ariba e hendenan aki cu ta corriendo cu turistanan for di Aruba.

Mi no ta kere cu ni cuanto propaganda cu nos haci na exterior, y ni cuanto bunita nos beachnan y hotelnan ta, si ta worde permiti pa trata e hendenan extranjeru cu ta bin nos isla na un manera sin tactico asina, no ta bala pena, pasobra ta placa tira afor". Te aki e carta di senyor F. kende ta continua ainda cu varios criticanan mas ariba e douane, especialmente esun di aeropuerto, pero cual nos lo no publica akinan.

Na promer lugar senyor R.F. danki pa bo carta y manera mi a priminti lo mi trata di comenta e cartanan di e lectornan cu scribimi tanto posibel, mientras cunan ta na interes y bienestar general di nos comunidad. Y e cuestion di douanedene caso aki ta enberdad di interes general di Aruba. Y loke senyor F. ta comenta no ta algo fantasia. Majoria di nos no sabi loke ta worde causa na aeropuerto. Ultimamente nos por a constata con un comerciante cu a bin Aruba di transito a worde teni como un ora para mientras cu douane tabata conferencia kiko nan lo haci cu su valiesnan den cual e tabatin algun muestra di cierto productonan. Despues di mei ora cu nan a tene a valiesnan, somenta den deposito y e por reclama nan ora cu e ta bai atrobe. No tin mihor tactica E spearfishernan cu a bin Aruba anja pasa a hanja masha mal experiencia na aeropuerto. Un di e teamnan cu a bin pa tuma parti na spearfishing a bin cu material nobo. Pero douana parece a hanja nan mucho nobo y kler a laga nan paga derecho di entrada ariba nan. Unda e tactica a keda. Un conocido figura importante den bida di hotel na nos isla, y un di e hotelnan di mas grandi cu tin, no muchotempopasa a yamami y puntrami si mi no por scribi algo tocante di e douana especialmente na aeropuerto. Su remarcacion encunto di e trata cu e hendenan cu ta bin pa keda na su hotel ta duna de bez en cuando tocante di e molester sin tactica cu nan ta hanja na aeropuerto no tabata di mas bunita na Aruba. Y awor ultimamente un representante di un compania grandi di biaha na Estados Unidos ta worde trata na un manera cu lo no hiba nomber di Aruba adilanti. Hasta parse den e caso aki un personahe principal den desaroyo di turismo na nos isla mester a cal den e asunto y a reclama categoricamente contra di e acto di douana na aeropuerto. Esaki pues por ta un sinjal claro cu loke ta sosodiendo na aeropuerto no a yega na conocimiento di nos gobierno, sino ta imposibel cu tal actitudnan sin tactico ningun ta worde tolera na aeropuerto, en caso douana. Nan tey pa haci nan trabao y haci bon, pero entre haci un trabao bon sin tactica of cu tactica tin un diferencia grandi y den e caso aki di suma importancia pa e desaroyo Turistico di Aruba.

St. Gerardus Cursus

De nieuwe cursus voor Verkopers
(VERKOOPKUNDE) vangt aan in juni 1965.
Lessen in Oranjestad en San Nicolas.
Meldt u nu aan: tel. 3137 en 3268.


MUCHANAN UN BOEKI NOBO

"E TESTAMENTO NOBO DEN PRECHINAN PA MUCHANAN"


Cumpra pa Fls. 3.00

Na: LIBRERIA VICTORIA-NASSAUSTRAT 73A
-Aruba.

E/E - Publicacion di Editorial Evangelica.



Mientras cu e soeur di WGG tabata yudando e chauffeur di e pick-up, e ultimo aki a perde conocimiento. Algun di e mironesnan a duna e soeur un man pa pone e homber drumi. Un caha bashi di limonada a sirbi como cushinchi.



Un otro bista di e accidente di diabierna atardi. Un soeur di Wit Gele Kruis, comprendiendo su deber, a baha for di su auto y a bin yuda e chauffeur herida. Na e momento aki e zuster ta "verband" e pia di e chauffeur, mientras cu algun hobencito ta testigua e acto aki.

continuacion di pag 1..

di cuatro centimeter na sulomba y un corta di un centimeter y mei na su custia. E fiscal a hanja cu e hinkamento den lomba ta un hecho masha cobarde, pero di otro banda el a tene cuenta cu e acusado a worde ataca y cu e donjo di trabao na unda e acusado ta emplea a suplica pa no duna T. un castigo di prison como cu e ora ey lo e perde su trabao y e no kler perde.

TRIO CU A HORTA MUEBLES Y KOPER DILANTI HUEZ

ORANJESTAD - Un trio di caballeros, di edadnan 28, 32 y 42 anja, na luna di maart y april di e anja aki a poder ilegalmente di algun muebles y tambe koper for di un loads banda di e fabrica di aloe na Sabana Berde. Un parti di e mueblenan aki a worde bendi y e resto a sirbi pa duna e hogar di e acusadonan un poco mas pep.

E mobiliario cu a disparce for di e loads tabata consisti di e.o. kashinan di panja, mesanan di toilet, algun cama, matras y un kashi di cuatro porta. E acusado R.M.M. di 28 anja, kende a habri e fila, a conta huez cu ta "yuda" e l a bai yuda y ta te despues cunantabata riba camin-

da e otro dosnan a conte ta kiko tabata e plan.

Huntu cu M.F.L., e acusado di 42 anja, el a bai busca S.G. e di tres acusado y e chauffeur di e truck den cual e trio a sali for di Brazil cu destino pa e loads na Sabana Berde. Riba un pregunta di Mr. B. Swanenburg ta con nan a haci drenta e loads, e acusado M. a declara cu e porta tabata habri y cu no tabatin mester di molestia curpa pa drenta. Tabatin dia cu nan a haci tres viaha pa e loads cu G. tras di e stuurwiel y M. y L. sinta na banda. E acusado M. a hiba e parti di e mueblenan cu a toke pa su cas y a usa nan pa duna e cas un mihor apariencia, como cu ta net el a caba di casa y su senjora tabata den feliz espera.

Promer di a pidi castigo pa e acusado aki e fiscal Sr. S. H. Tjon Ajong a trece na conocimiento di huez cu un persona di bon corazon a muestra e gerente di e loads riba e hecho cu e portanan di e local aki ta keda habri y cu un dia pa otro e mueblenan lo por cria pia. E gerente, segun e fiscal, aparentemente no a preocupa mucho cu e advertencia aki y a responde cu: "Polis mester cuida e lugar aki y percura pa e mueblenan no disparce".

Segun sr. Tjon Ajong pues, e mueblenan tabata tey pa ken cu kler col. E fiscal a observa cu e mayoria di e mueblenan a worde hanja atrobe. No obstante e ta di opinion cu propiedad di otro hende mester worde respecta y ta hanja cu ladronicia comete pa un of mas persona a keda comproba. El a pidi huez castiga R.M.M. pa un luna y seis dia di prison, di cual un luna ta condicional cu un prueba di 2 anja y tambe pa kita e dianan cu ya e acusado a pasa sera, for di dia diezseis di april. Huez Mr. Swanenburg a tene cuenta cu e acusado nunca antes a worde sentencia pa delitnan y a sentencia pa un luna condicional y un tempo di prueba di dos anja y ademas un boet di cincuenta florin of diez dia sera si e no paga e boet. E castigo cu M. a hanja ta nifica anto cu e por a bai cas atrobe, pero si den un terimo di dos anja el bolbe hanje den conflicto cu husticia e tin di bai sera pa un luna pa e delito aki. E cincuenta florin si e tin di paga, sino e tin cu bai Dakota pa diez dia.

E segundo acusado tabata e chauffeur S.G. kende a dicidi cu lo ta mihor pa e bende e mue-

continuacion riba pag 3



Un biaha mas e pick-up di diabierna atardi. E soeur di Wit Gele Kruis ta sigi su trabao, mientras cu mas y mas hende tabata jega cerca pa tira un bista.

continuacion di pag 2
blenan cu a toke. E huez a hanja cu e kaarchi di straf di G. no ta asina bunita, pero cu tog tabata tempo pasa cu e sala di husticia a mira su cara. E pidimento di e fiscal a resona: un luna y cinco dia di detencion, di cual un luna ta condicional cu un tempo di prueba di dos anja, kitando e tempo cu ta acusado a pasa sera for di 17 di april. Huez a condene pa un luna condicional cu un tempo di prueba di dos anja. Es decir, cu G. tambe por a bai cas, pero si e hinka su mes den trobbel atrobe durante e dos anjanan venidero, anto e tin di regresa Dakota pa un luna.

XXXXX

E ultimo acusado den e caso aki

GRUNDIG

WIMCO - ARUBA

tabata esu n di edad mas halto (42), un carpinte cu tin un muher y ocho yiu pa mantene. E tambe, mescos cu e dos otronan, a nace na Aruba. E acusado aki, M.F.L. a bai un poco mas leu cu e otro nan y no solamente a participa den e parranda di muebles, pero tambe a los basta liber di koper for di un machin cu tabata para banda di e loods. E tabatin mes- ter di placa pa e mantene e muher y ocho yiu nan. E mueble- nan e acusado a tuma pa su mes, pero e koper el a bende cu Aruba Metal y segun el a declara, el a hanja cien florin pa su oferta. E danjo cu e acusado aki a causa na e machin door cu e mester a kita varios pieza pa por a hanja e koper ta monta na varios mil florin, segun declaracion cu e donjo di e machin. E mueblenan cu e acusado aki a hanja tabata consisti di cinco stoel, un mesa di twalet, un cama, dos matras y un kashi di cuatro porta. E pregunta di huez, cu si te ta e homber cu a pensa e plan aki, e acusado a contesta negativo y a agrega cu aki tabata trata

di un "mutual-agreement".

Segun e fiscal e koper cu L. a coge a produci mas cu cien florin y el a haci mencion cu dia trintium di maart el a bende koper pa cien y cincuenta florin, dia cuatro di april el a bende cien y sesenta florin y un biaha mas dia diez di april el a saca nobentidos florin y cuarenta cent na koper. Sr. Tjon Ajong a obser- va cu e acusado aki ya a jega di comete ladroncia na anja 1939, 1940, 1944 y 1948 y cu awor el a induci e dos otronan pa horta. El a hanja e hecho aki masha serio y pesey un castigo incondi- cional ta na su lugar. El a pidi dos luna y nueve dia di detencion di cual dos luna ta condicional cu un tempo di prueba di dos anja, kitando e tempo cu ya acusado a pasa sera for di dia diezcinco di april. Huez Mr. Swanenburg tam- be a hanja e hecho aki demasiado serio y a sentencia e acusado pa ocho siman di detencion, di cual 6 siman ta condicional cu un tempo di prueba di dos an- ja, kitando e tempo cu ya el a pasa sera. E sentencia aki ta

ifica cu acusado lo bai sera pa los siman y si despues cu e sali den un termino di dos anja bolbe hanje den conflito cu hus- ticia, e lo bai sera pa e seis siman cu awor ta condicional.

E chauffeur aki como cu e ta "a good boy" y un persona masha keto. Despues cu huez a dune su sentencia, cual tabata igual cu loke e fiscal a pidi, el a duna orden pa laga C.T. bai cas in- mediatamente.

HOBEN CU A HORTA PLACA DI CHINES A HANJA CINCO SI- MAN

ORANJESTAD, 24 mei - Un ho- ben di bintishete anja, sin trabao, a worde sentencia pa cinco siman di detencion, pa motibo cu el a pone man riba propiedad di otro. E hoben sin trabao, naci na Aruba y biba na Savaneta, den anochi di diezochto pa dieznuebe di april a horta un suma di Fls. 7,- for di un Chines y tambe un pida keeshi. Apesar cu e ta bau tratamiento di reclasering e hobe n P.G. no a tene na e reglamentonan di e institucion aki y a keda sin tuma e pildoranan cu nan a dune.

De vez en cuando e tabata laga mira su cara na e oficina y pa motibo ey tabata dificil pa Reclasering por a controle.

Fiscal sr. S.H. Tjon Ajong a pidi un castigo di un luna di detencion kitando e tempo cu acusado a pasa caba den prison. El a pidi huez pa laga acusado bai cas mesora, como e ta deteni for di diabin- ti di april. Huez mr. B. Swanenburg tabata masha disgusta di etra- tamento di G. cu Reclasering. El a duna e acusado cinco siman kitando e tempo cu ya el a pasa sera. Tambe el a scuale acusado y a dune e consejo pa awor si e sigi e ordennan di Reclasering, sino e prepara su culpa. E acusa- do kende ta sera for di binti di april lo tin di keda te diamars awor binticinco di mei.

Dia binticinco di april e acusado E.A. a hinka un otro persona cu un sker banda di un bar na Santa Cruz. Huez a condene pa seis siman, kitando e tempo cu ya el a pasa sera. E hinka cu A. a propina e otro tabata na su schou- der, despues cu e victima a pone rabia. E acusado a declara na huez

cu e no tabatin e intencion di an- temano pa hinka. Durante di e rabiamento e sker cu tabata den su saco a hinke y e ora ey el a hanja sa cu e sker ta den su saco.

Tabate promer biaha cu e acusa- do aki a maltrata un hende y e fiscal a tene cuenta un poco cu esaki. El a hanja e hecho casti- gable y hopi serio y a demanda un casigo di seis siman di deten- cion kitando e tempo cu ya ser pasa den prison.

E acusado t a sera for di dia bintiseis di april y pues lo tin di keda Dakota te cu dia shete di juni.

TELEARUBA

TELE ARUBA

5.30 Children Hour

6.00 Annie Oakley

6.30 N.T.S.

6.45 News

7.00 Shindig

7.30 Sportnews

7.45 Lawman

8.15 Phil Silver Show

8.45 English News

9.00 Dutch Film

10.00 Dutch News

10.05 I Spy



De Veer: 8.30 p.m. "Flight From Ashiya" 18 j

Rialto: 8.00 p.m. "I. Siren Song" 18 j

2. "Storm Rider" 18 j

Principal: 8.00 p.m. "The Cardi- nal" 18 j

Aurora: NO MOVIES

Savaneta: 8.00 p.m. "Robin and the 7 Hoods" 18 j



Diabierna atardi Jose van der Linden di Savaneta No. 350 y Rika Amaya di Bernhardstraat No 41, San Nicolas, a contrae matrimonio. E bruid ta yiu di sr. y sra. Esteban Amaya y e bruidegom ta un di e yiu hombernan di Hubert (Betto) y Everona van der Linden. Rev. pader Boex a bendiciona e matrimonio den iglesia Santa Theresita na San Nicolas y mas laat un recepcion bon concurren a tuma lugar na cas di e bruid. E foto ta muestra e pareha flankea pa e madrina y pa- drino.

A WOR!!!

BO SIGARIA FAVORITO

PALM BEACH

KING SIZE

MAS CANTIDAD

MAS CALIDAD

MES PRIJS



Diabierna ultimo a cera enlace matrimonial senjorita Annie Martinus y senjor Eddy Nicolaas. Senjorita Martinus ta yiu di senjor Gigi Martinus. Aki e pareha ta flankea pa madrina y padrino.

POLIS TA INFORMA

Un dama a duna cuenta na recherche di Oranjestad cu diabierna el a perde su cartera conteniendo nobenticinco florin.

Diabierna mainta recherche di stad a haci un bon man ora cu nan a logra detene un cliente conocido, kende a resulta di ta e persona cu a horta un cadena di oro y un broche for di un otro caballero cu tabata drumi bura-chi.

Diabierna ultimo polis a parti binti-un proces verbal, duna cuatro waarschuwing, ocho asistencia, a scual dos persona y a registra cinco choke leve.

Na San Nicolas un dama a duna keho cu desconocidonan a horta tres stoel y un mesa for di den veranda di su cas.

Durante fin di siman cu ta tras di lomba un cantidad bastagrandi di accidentenan di trafico a tuma lugar. Diasabra marduga pa tres 'or un chauffeur a declara na po-



lis cu e mester a kita su auto pa un otro vehiculo no dal'e y consecuencia di e manobra rapido aki tabata cu su auto a dal riba un poste di luz na canto di caminda. E accidente aki a tuma lugar riba L.g. Smith Boulevard na haltura di oficina di D.O.W. E danjo material ta monta na Fls. 200,-

Diez pa cinco diasabra atardi un truck y un auto di famia a dal den otro na e cruzada di Tanki Leendert, debi cu e chauffeur di e auto di famia no a duna preferencia. Un di e pasaheronan di e auto un dama cu ta sperando un baby, a worde levemente herida. Danjo total di e choke aki ta Fls. 750,-

Diadomingo marduga un automobilsta a duna keho na polis di

San Nicolas cu su auto a disparce for di e sitio na unda el a lag'e staciona. Algun ora despues polis a logra pone man riba dos tipo cu a coge e auto pa haci algun rond di placer.

Pa di tanto biaha un otro auto a

bolter riba nos careteranan. Diadomingo mainta pa cinc'or y mei un chauffeur a lubida di tuma e lorada na cumzamento di e boulevard, pabao di oficina di D.O.W. cu e consecuencia cu e auto a sigi corre y a boltu riba e santo blanco. Un persona den e auto a worde levemente herida. E chauffeur tabata un poco bao di influencia di alcohol. E danjo material ta monta na Fls. 2600,-

Pa ochor y cuarto diadomingo mainta un auto di famia y un pick-up a dal den otro na e skina Lagoweg-Bernhardstraat na San Nicolas. Un di e chauffeurnan ta-

SOCIALES

Dia 24 di Mei ta drenta enlace matrimonial Señor Emilio Schwengle y Señora Aura Fingal na parokia di Misa di Santa Filomena na Paradera, hopi felicitacion ta bini di parti di nan majornan, comer y comper, amigonan di Tele Aruba, y di nan rumanan.

Cuanto ta costa pa "Jet Happy" den un Fan Jet cu "5th Engine"

Unicamente \$ 17.50 pa San Juan pa cada vuelo cu excursion di 15 dia.

Solamente \$ 78.30 mas pa servicio "Champagne Deluxe" pa New York — sin cambia avion y esey ta inclui asiento reservá dilanti den avion, Champanja of cocktail, hors d'oeuvres y un comemento completo loke lo resulta den un berdadero fiesta.

Ningun linea aera tin tal servicio na un prijs asina. Ni unu! Tampoco nan ta garantisabo un Fan Jet cu "5th Engine" cada vuelo. Cuater motor cu tin e rapidez, forza y comfort di 5 Jet ordinario.

Descubri e "subimento grandioso" cu bo ta hanja cu un vuelo "Jet Happy"! Jama bo agente di biahe pa reservacion. Of Trans Caribbean, na 2700.

Ban "Jet Happy" cu e Jet Leader

TRANS CARIBBEAN

E linea Fan Jet cu "5th Engine"

bata bao di influencia di bebida sterki. E causa di e accidente ta e lorada muchu grandi cu un di e chauffeurnan a tuma na su man drechi. Danjo total: Fls. 850,-

Dilanti refresheria Estrella den Klipstraat na Oranjestad un

auto di famia a dal riba un otro auto cu tabata para canto di caminda. E chauffeur di e auto cu a causa e accidente a worde sera pa motibo cu e tabata bao di influencia di alcohol. E danjo total di e choke aki ta Fls. 125,-

Ciudadanonan nobo y proximo matrimonionan

Mei 19: Sherwin Ulrich Anthony, yiu homber di Nicolas Leoncio Jacobs y Olga Viola Zichem.
Mei 13: Imelda Helen, yiu muher di Emiliano Kock y Juana Tromp
Mei 11: Olivia Maria, yiu muher di Claudio Geerman y Maria Webb.

son di Oranjestad cu Rita Theresa Hazel di Zeewijk.
Gregorio Maduro di Rooi Hundo cu Marcela Sabina Penja di Pos Chikito.

A FALLECE:

Mei 20: Diego Velazquez, na edad di sesenta anja.
Mei 21: Pedro Oduber na edad di ochentidos anja
Mei 22: Maria Elizabeth Loopstok na edad di sesentitres anja.

PROXIMO MATROMINIONAN
Bienvenido Vallentine Richard-

No. 18.

Bo ta destina pa mi

"Ningun carta ni di bo mayornan y ni di esun di mi. Nan ta tene nan na un distancia sigur".

"Parce cu nan tur dos ta di acuerdo cu otro. Y nan lo sigui haci asina cu nos tambe. Y nan resistencia lo dirti manera ijs den solo. Mi ta pustabo cu mi mama ta esun di promé cu bin pará dilanti e porta aki. Mi conocé bon. Ban mira, tira tur bo miedo door di e bentana. Awe nos ta celebra nos dia di matrimonio. Nos dos so, mira kiko tin ey nan". "Champanja! Mi ta haya e impresion cu mi a casa cu un homber cu ta gusta malgasta placa".

"Esey si nos no por soporta, mi apreciable". "Wel, mayan nos ta cumenza spaar. Nos ta casa cu otro y no tin nada pa separá nos foy otro. Nos ta bibando den paradijs y solo ta sende pa nos so".

Ya a pasa seis luna. Frieuw a cumenza drenta, awa ta jobe y sneeuw ta cay y Gitta ta bringa pa cana door di e cayanan cubri cu tur e frialdad. Porfin el a jega cas y ta subi bay arriba. E tabata temblando di frieuw. E ta drey mira den su tas, cunotabata mucho jena; mitar pan y un pida manteca y un glas di honing, cu mester wanta pa basta tempo.

Y sinembargo e tiki cosnan ey, mester a traha basta duro pa haya placa pa cumpra nan. E ta habri e porta di su kamber y ta sende e lus. E ta drey mira e holoshi. Ya ta 7'or. E mester haci liher. Net e kler a cologa su mantel na kapstok, cu el a tende Knut su stem.

"Porfin. Ya mi tin basta rato ta spera caba". E tabata drumi riba e sofa, cu su mannan cruzá bou su cabes y su cara no ta mustra mucho contento.

"Bo a jega cas caba?" Gitta ta puntra asombrá.

"Bo no a keda clá? Ta duel mi Knut, pero mi no por a jega cas mas tempran. Bo mes sa cu mi mester spera tur anochi, te ora cu tur e sirvientenan bay cas. E ora numa Sr. Muller ta mira si tin algo pa mi haci. Awe tabata tin hopi cos di haci, siquiera dies florin mi por haya".

"Dies florin! Si cualkier hende tendebo papia nan ta kere cu ta masha placa bo a gana".

"Asina mes. Ora cu mi hayé mayan, nos por cumpra dushi cuminda pa come anochi. Peroparce cu bo bijs no ta mucho bon Knut. Kizas e tempo ta influenciabo?"

"Maré aki den tabata un poco cayente", e ta contesta sin maak.

"Pero nos no tin paloni carbon. Y tampoco nos no por sende e

calentador electrico, pasobra e ora e meter di lus ta drey asina, duro, cu Sra. Steinkul ta haya a-take di curazon".

"Ta mas peor di loke mi a pensa", Gitta ta bisa y cu un sonrisa riba su cara e ta zak bandi dje.

"Bo ta lagami dunabo un sunchi como saludo?" Gitta no a spera su contesta, pero ora cu Knut a hala su cara el a duné un riba su nanishi.

"Lo bo stop di grunja, si mi bay haci algo pa come?", e ta puntra.

"No, danki ya mi a come caba. Batata herebé cu pisca, y pa cada chauffeur tin un botter di binja, no ta berdad?" Gitta a span-ta. Ta kiko pasa Knut awe.

"Bo tabata bon mucha anto?", e ta puntra mientras e ta cumenza saca e cosnan for di su tas. Ora cu Knut a mira e botter di Honing el a cumenza hari, pero no tabata e hari alegre di antes. E ta zona amargá y cinico y Gitta ta sinti un ril frieuw pasa den su lomba.

"Bon mucha no ta e expresion adecuado", e ta contesta. "Mi a comportami masha bon. Bo sa kiko nos a haci awe? E ayudantenan di e agencia di transporte mester a entregá poco carga na e fabricanan di Serno. Mi ta pustabo cu e hefe di cas sa ca-

ba?" "Aha ta esey anto! Bo no por a keda sin hacié!"

"Ta mi trabou esey, mi dushi. Mi no por a haci otro cos".

"Pero bo tabata tin berguenza. Y te ainda, bo tin berguenza, no ta berdad? Ach Knut, bo ta haci stranjero. Mi ta haya miedo ora cu mi mirabo". Gitta kler a cay sinti bandi dje, pero Knut ta pushé un banda y ta lanta para.

"Y bo ta haya esey stranjero?" e ta puntra rabiá. "Pero bo ta equivocá. Mi no tabata tin berguenza. Mi a puntra mi mes; pakiko tur esaki ta sirbi? Ya mi ta fada di biba un bida asina. Mi ta fada di traha duro papocoplaca, y e pensamiento cu nan ta harimi tray mi lomba, ta casi ponemi bira loco. Bo ta kere cu ningun hende no ta harimi? Kiko abo sal! Mainta na universidad nan ta cumenza harimi caba. Bo mes mester mira, cuanto cara cu bofon tin ta mirami".

"Esey ta coy loco Knut. Nan tur sa cu nos ta felis".

"Felis? Nos ta felis? Nos ta hungando comedia, esey ta tur. Nos ta obliga nos mes, pa no mira e miseria, cu ta hari cu nos for di cada skina. Y awor e frialdad aki tambe ta caba cu hende. Y bisami unda ta sobra un tiki lugar pa stimacion y felicidad?"

"Knut. Bo no por ta papiando na serio? Awe bo ta un poco irritá, y mi por comprende esey. Pero awor ta basta".

"Bo no por soporta e puro berdad? No vale la pena pa nos keda cu tur cos boca será. Separá of juntú toch nos no ta bin clá cuné. Bo tambe ta fadá, mi sa cu tur e cosnan aki ta traha riba bo nervionan".

"Pero nos no tabata sa cu tin un tempo pisá ta speranos? Pero ora cu nos termina cu nos estudio, tur e tempo pisá lo pasa. Kiko bo kler meen exactamente Knut?"

"Bo ta comprendemi masha bon. Pero pakiko nos no por papia tocante esey? Naturalmente nos a spera. Nos a spera riba e momento, cu mi mayornan lo nore-sisti mas. Pero nan no tin pensá di haci esey. Nan ta laga nos hoga den sushi numa. No ta importan-nan cu nan unico jiu homber, mester come miserable merdia y a-nochi pan cu honing, djies pasobra e ta asina barata. Si, ta esey tin mi fadá. Nunca bo no por gasta un placa pa otro cos, bo mester boltie djies blaha rond promé cu bo saké pa algo".

"Naturalmente ta duro, pero bo mes ta mira, cu mester hacié".

E ta sigui....

YAMIL CHADE KE TRECE FLOYD PATTERSON PA ARUBA

Un interesante entrevista nos a tene diasabra atardi den Aruba Caribbean Hotel cu e libanes-cubano Yamil Chade, kenda ta permaneciendo algun dia na nos isla, E cabayero aki ta un persona cu algun anja pasa tabata intensamente vincula cu e deporte di boxeo, y ainda su opinion ta worde busca hopi biaha na encuentronan di importancia manera esun cu tabata tin ultimamente entre Ismael Laguna y e boricua Carlos Ortiz. Segun recortenan cu nos a mira den un formidable scrap-book di e propio Chade, el a pronostica cu Ortiz lo no por gana di Laguna y esaki a resulta completamente cierto.

E maximo orgullo di Chade den su carrera como piloto den boxeo ta e temporada cu el a dirigi e famoso Kid Gavilan, kende bao di su guia a konkista e titulo di campeon mundial den peso welter. For di casi principio di Gavilan, chade a gusta su estilo masha hopi y a mira calidad den e cubano. Apesar di tin un bon trabao como bankero, Chade como gran amante di deporte di defensa propia a dedica su tempo na busca progreso pa su compatriota. Y ta pa medio di su coneccionnan util, Kid Gavilan a logra hata un oportunidad di bringa pa e fama di campeon, haciendo esaki cu exito rotundo. E titulo Gavilan a konkist' e na anja 1946 contra di Johnny Braggan na New Ycrk. Luego tien un pelea di revancha na Cuba, Gavilan a ripiti triunfo ariba Braggan. Ademas di Gavilan, tambe bo xeadornan manera Robinson Garcia, Mantequilla Napoles, Urti-

nio Ramos y Florentino Fernandez ta pugilnan cu mi a logra oportunidadnan pa nan cu a yuda nan bai adifiti. Especialmente Robinson Garcia, kende t bibando na Europa actualmente y ta haciendo un bon papel", e cabayero Chade ta declara na nos.

"Cual bokso actualmente ta cu Bo?"

"Debi na mi actividadnan comercial, mi a laga e deporte di boxeo poco tempo pasa. Pero como ultimamente Floyd Patterson, e conocido peso completo cu tabata e mas hoben pugilista den konkista e titulo mundial di heavyweight, tabata e mas hoben pugilista den konkista e titulo mundial di heavyweight, acercando mi, ta bien posibel cu mi bolbe den e deporte banda di Floyd", Sr. Chade a contesta nos.

For di su scrapbook nos por a anota un recorte di corant di London, caminda e famoso re-

dactor deportivo Peter Wilson ta comenta ariba e pelea di Kid Ga-

choice yenando e basenan pa presenta problema pa e pitcher zurd di Winston Colai Carolina. Clemente Zievinger ta conecta hit den center empuhando Ponson.

Sanson tambe ta dal di hit bon pa dos base empuhando Swaen y Reyes cu carrera nan number dos y tres. Zievinger tambe ta anota ora cu un error dencuadra ta permiti Henry/Burleson embasa.

Tambe e tercer inning Ponson di Marlboro ta habri cu hit, e blaha aki un tubey. Ariba error di shortstop e ta bai tercera for di unda e ta ser empuha cu hit di Sanson despues di dos out. Pitcher Carolina a worde releva den e tercer inning pa A. Werleman.

Tambe e cuarto inning ta trece un carrera pa Marlboro. Blume y Ruiz a ricibi base por bola. Muyale ta promer out cu roller pa segunda adelantando e corredornan pa tercera y segunda. Ponson tambe ta sali cu roller pa segunda, pero Blume ta anota den e hugada e carrera number sels di su team.

Cu dos mas den e octavo episodio, Marlboro ta yega na su total di 8 carrera.

E carreranan aki a worde anota door di Zievinger y Sanson empuha respectivamente door di Mauro Estrada y Jossyto Muyale.

Marlboro a anota ocho carrera, conecta 13 hit y comete dos error. Winston a anota un carrera, conecta tres hit y comete tres error.

Pitcher ganador tabata M. Sanson, perdedor C. Carolina.

A destaca den bateo pa Marlboro pitcher Sanson kende tabata tin di 4-3, Eric Ponson di 5-3 y Henry Burleson di 5-2.

Marlboro tin awor un gana y un perdi, Winston cero gana dos perdi.

vilan contra di Harry Waterman, cual pelea a worde gana - ampliamente door di Gavilan, pero cayendo e decision na favor di e britanico.

Tabata un di e decisionnan mas comenta e tempo den cronicanan deportivo mundial. TAMBE INVENTOR Y PRODUCTOR.

E cabayero cu ta sinta nos dilanti ta resulta di ta un homber di hopi talento. Ademas dia esta blece un nomber den mundo di boxeo, tambe e ta desaroya actividadnan ariba terreno di produccion di cine y el a muestra nos dos interesantes producto cuta invencio di dje. Esakinan ta un cucharita musical y un matras musical.

Pa ambos producto e tin patent caba pa henter mundo, pero produccion di nan no a cuminsa ainda. E cucharita musical ta intenta especialmente pa mucha chikito, loke lo entretene nan y haci comento mas agradabel pa nan y e ora un molester menos pa e mamanan. Na e man di e cucharita ta bin pega un cahita di plastic cu dibuho ariba dje y cu muziek den e cahita.

Di e matras mundial nos a mira un sketch y esaki tambe ta mas bien pa uso pa baby. E idea ta cu bao di e matras ta bin un caha cu tin un tape recorder den dje caminda tin muziek graba y tambe stem di e mama di e baby. Pa via di un

waya y un boton e mama for di su propio camber por pone e muziek cuminsa toca sin tin mester di bai te den camber di e Baby. Tambe tin un motorcito cu alavez ta move e matras den tal forma manera cu ta e mama ta zoyando su jioe.

E visitante a conta nos tambe di su intencion di laga traha un pelicula den Antiyas Hurlandes, cual indudablemente lo yuda den atrae turista pa e islanan aki.

Su idea ta di usa e islanan como escenario y tambe usa tanto cu ta posibel talentonan local. Ya segun su declaracion e tin un artista den persona di srta. Lilillean Sasso di Corsow. Pa e pelicula aki, Sr. Chade ke usa unicamente musiconan local.

"Tanto den e planaki como den un otro pa un cabaret na Aruba, ta bien posibel cu Floyd Patterson bira mi socio. Pa e fin aki lo mi trece Floyd pa haci un bishita na Aruba hopi pronto. Den caso di cu e nightclub realisa, lo mi haci uso unicamente di talentonan local ya cu loke mi ta mira ta pasa den e hotelnan na Aruba y Corsow cu ta mes artistanan americano cu e turistanan ta mira den nan propio pais ta worde presenta na nan atrobe, mi no ta hanja correcto, "tabata ultimo declaracion di e cabayero Yamil Chade.

continuacion riba pag 6..

CIFRANAN FINAL DI FUTBOL HOOFDKLASSE

(Di nos redactor deportivo)

E campeonato di futbol hoofdklasse a keda conclui diaviera anochi cu e partido entre R.C.A. y Dakota cu a termina den un empate. Incluyendo e partido aki, nos ta dina publicacion na e cifranan final di e division mayor di nos futbol local.

Promer cu esaki sinembargo nos keduna algun comentario. Na promer lugar tabata e campeonato cu mas tempo dura den historia di nos futbol. El a principia banda di augustus anja pasa y a caba awor na mei 1965. Despues di a konkista e titulo tres blaha consecutivamente, Dakota mester a cede e anja aki na R.C.A. cu ta tur un veterano den loke ta gana e titulo di campeon. Door di un mal principio un mal promer rond, e dakotencionan a mira e titulo slip bai for di den nan man.

Fuertemente nan a reaccion den e segundo rond ganando cinco wega perdiendo uno y tabla otro, pero ya no tabata tin moda mas di haci. Den e ultimo rond e dakotencionan a anota 17 blaha permitiendone apenas cuatro contra. Nan actuacion den e promer rond tabata di 3 gana, dos tabla y dos perdi, 10 gol na favor y 7 contra.

Nan posicion final a bira den e tercer puesto, sinembargo nan mester worde considera como un di esunnan di mas fuerte di nos futbol loke nan a demostra durante nan ultimo partido contra di R.C.A.

E campeonnan nobo, e tricolornan di R.C.A. a hunga un futbol consistente for di inicio di e campeonato. Sin tuma chens cu ningun equipo y cu mas productividad, e tricolornan a anota 20 gol den e promer rond pa un average di casi tres gol pa wega. Tambe den e segunda vuelta nan a anota 20 loke pues ta confirma e forma consistente cu nan ta emplea. Nan a sufrir un sorprendente derrota contra di San Nicolas Jrs den e promer rond y luego uno den e segundo contra di La Salle. E unico empatia tabata contra di Dakota den e ultimo wega. Apesar di e presenta hopi blaha cu cambionan den nan linea

delantera, tog e tricolornan a logra sali vencedor den li wega for di 14.

Sorpresa di e campeonato a resulta e valiente oncena di Tropiccaal cu a subi for di e sexto puesto den e ultimo temporada pa awor ocupa e segundo puesto y obtene e titulo di subcampeon.

Poco por a kere na principio di e campeonato cu e oncena aki lo por a logra semehante papel. E directiva di Tropiccaal a tuma promer incia e campeonato e paso inteligente di emplea un entrenador den persona di Angel Botta, kende a sabi di injecta suficiente conocimiento di futbol y amor propio den e muchanan di Tanki Leendert pa hiba e titulo halto di subcampeon. E unico derrotran sufrir door di Tropiccaal tabata frente e oncena di R.C.A. cu local nan a demostra di a baha cabes unicamente pa e campeonnan. Cu un corahe tremendo y un defensa fuerte e oncena di Tropiccaal a sabi di impone su mes ariba su adversarionan. Cu fuerte dakotencionan na a tabla e promer y luego a gana nan den e segundo rond.

La Salle a bolbe ocupa e puesto number cuatro den e posicion final meskos cu anja pasa. Jong Aruba a subi for di e septimo puesto pa number cinco, loke pues ta un adelanto considerabel.

San Nicolas Jrs y Juventud Millonarios ta e equiponan cu mas a bai atras den posicion final. E blankinegrosan di San Nicolas for di e tercer pa awor e sexto puesto y Juventud for di e quinto anja pasa pa awor e octavo. Pero ainda di e millonariosnan ta cu nan no a logra ni un solo punto den nan 14 compromisonan. Segun rumornan esaki ta ultimo anja di actuacion di e equipo Juventud Millonarios.

E debutantenan di e anja tabata Sport Boys cu a logra ocupa e penultimo puesto. Ta un equipo cu mester hanja e experiencia necesario ainda, pero cu a demostra mas i un blaha di ta peligroso, y cu tin un talento pa worde desaroya den nan fillanan: E cifra nan ta lo siguiente:

CLUB	WG	WG	WE	WP	GF	GC	PTS
R.C.A.	14	11	1	2	40	20	23
Tropiccaal	14	9	3	2	29	17	21
Dakota	14	8	3	3	27	11	19
Lasalle	14	6	4	4	29	18	16
Jong Aruba	14	5	2	7	26	29	12
San. Nic. Jrs.	14	5	2	7	25	38	12
Sportboys	14	3	3	8	32	32	9
Juv. Millon	14	0	0	14	13	56	0



CHADE FIRMANDO PA PELEA DI GAVILAN(PARA) CONTRA EDUARDO LAUSSE.

F.T.A. - A.C.I. no a yega na acuerdo

PREPARACION PA STRIKE TA TUMANDO LUGAR

Despues di mas o menos dos siman di deliberacion, durante un cooling off voluntario, e dirigentenan di federacion di trahadornan arubano y Aruba Chemical Industries no por a yega na un acuerdo pa un combenio colectivo di trabao pa e miembronan di F.T.A. empleado di A.C.I. Tin varios punto ariba cual no por yega na un a cuerdo. Anteriormente F.T.A. a pone un ultimatum pa un huelga cual a trece señor F. Hartong, intermediador den e caso y kende pues a propone un cooling off voluntario loke a tuma lugar pero sin ningun resultado. For di parti di F.T.A. nos a keda informa cu nan ta preparando pa tene un huelga.

Dia diez di mei tabata e promer ultimatum poni door di F.T.A. pa A.C.I. encunto un arreglo di combenio colectivo di trabao. Voluntariamente e intermediador di gobierno a cal aden y a prone un colling off di diez-cuatro dia entre e partidonan pa no tin huelga. Esaki a worde accepta. Durante e dos simannan cu tabatin cooling off e inter-

mediador a haci tur su esfuerzo pa e dos partidonan yega na un acuerdo. E ultimo reunion cu e tabatin cu e dos partidonan hunto tabata diabierna ultimo. Pero

aki tampoco el a yega mas aleuw. Diasabra pa di ultimo blaha promer cu e ultimatum a yega na su fin diadomingo diesdos or di anochi, el a papia un blaha mas aparta cu F.T.A. y A.C.I. Sin embargo aki tambe e sinjal tabata completamente desfavorable pa yega na un acuerdo. Un trankamentu completo cual por bai resulta den un situacion desagradable. For di parti di dirigentenan di F.T.A. nos a worde informa awe mainta cu na ta preparando pa tene un huelga cual muy pronto lo worde anuncia.

Nan ta selectando e dia mihor pa hasi esaki. Tambe e huelga lo ta "dorna" cu borchinan etc. Si ta necesario, Esaki esta sigobierno no cal aden y pronuncia un cooling off. Manera conoci gobiernu por pone un cooling off di maximo treinta dia si esaki resulta necesario. Entre tanto circulan gubernamental comercio y industria na nos isla ta siguiendo e caso aki cu tension, pues esaki no ta un di e mihor propagandan na e momento aki pa establecimiento di industria na Aruba.

N.U. A RECHAZA EXIGENCIA DI RUSIA PA CONDENA MERCA

Nacionnan Uni--UPI--Consejo di Seguridad di Nacionnan Uni a rechaza ayera e exigencia di Union Sovietica pa condena e intervencion norteamericano na Republica Dominicana y ordena retiro inmediato di trupanen norteamericano for di e pais antillano ey. Solamente Jordania a vota cu Union Sovietica na favor di tal pedido.

Consejo di seguridad a vota separadamente riba tur e dos bandanan di e mocion y tambe riba un idea di e circunstancianan. Esaki a ser rechaza cu cinco votos contra di dos y cuater abstencion. E votonan na favor tabata di Rusia y Jordania. Merca, Inglaterra, China, Bolivia, y Hulanda a vota contra. Francia, Malasia, Uruguay y Costa de Marfil a abstene nan mes na vota.

E mocion di condenacion a ser rechazá pa seis contra uno, tambe cu cuater abstencion. Union Sovietica a deposita e unico voto na favor. Uruguay a suma su voto ne rechaza huntu cu Mer-

ca, Inglaterra, China, Bolivia, y Hulanda. Francia a pasa pa abstencion huntu cu Costa de Marfil y Jordania.

E di tres votacion, riba retiro di e soldanan, a ser rechaza cu seis contra dos voto cu tres abstencion. Jordania a bolbe vota cu Rusia na favor di e mocion Merca, Inglaterra, Bolivia, Uruguay, Hulanda y China a vota contra. Malasia, Costa di Marfil y Francia a abstene nan mes na vota.

C.V.T.V.

DIALUNA

3.30 Cine Club Infantil
5.30 Temple Houston
6.30 Los Tres Chiflados
7.00 Historias Apasionantes
7.30 Joselo
8.00 Ellas y Ellos
8.30 La Nueva Pachanga
9.00 San Martín de Porres
9.30 La Novela de las 9.30
10.00 Knock Out
10.05 Cine de la Noche

E hoben di binti anja kende durante entrenamien-to-bau di awa na Malmok algun dia pasá a hanje e den dificultad y mester a worde transporta pa Corsow pa ser tuma den e tanki di presion ta sigi bon segun e informacionnan cu a drenta.

En coneccion cu un noticia cu anteriormente a worde publica tocante e asunto aki, Sr. T. van de Rijd a muestra cu tabatin algun puntonan cu no ta henteramente corecto..

Sr. van de Rijd tabata e instructor durante di e entrenamentonan y el a duna e siguiente declaracion.

Un grupo di persona tabata haciendo pruebanan di sambuya cu "Aqualues" cu e posibilidad di por worde tuma den servicio pa limpia bau di e tankernanden haaf di San Nicolas. E pruebanan aki a tuma lugar na Malmok bau di direccion di Sr. van de Rijd.

Pa mas o menos diez or di mainta e hoben en cuestion a bini ariba y a ser constata cu e tabata den dificultad y for di su conocimiento. Sr. van de Rijd y no ningun rechercheur of polis, lo a trece e hoben tera, despues di a kita e aparatonan di sambuya for di su curpa.

E hoben tabata solamente for di su conocimiento y tabata hala rosea, pues no tabatin mester di aplica respiracion artificial. For di ey el a ser transporta pa San Pedro Hospital. Sr. van der Rijd a sigi declara cu e tabatin e sospecho cu aki ta trata di un dificultad den circulacion di sanger.

Esaki a sosede probablemente ora cu e hoben tabata bini ariba y no respira suficientemente

Un burbuja lo por a drenta den e circulacion di sanger y probablemente a drenta den e hoben su corazon.

Esaki ta causa e ora un sorto di kram di corazon cual tin como consecuencia cu e hoben ta perde su conocimiento. Riba consejo di Sr. van de Rijd y e mediconan di San Pedro Hospital e hoben a worde tuma den e tanki di presion. Sr. van de Rijd a muestra riba e hecho cu lo ta bon pa aruba tambe hanja un tanki di presion. Especialmente si tene na cuenta cu e ultimo tempo e cantidad di personanan cu ta practica e deporte di sambuyamento, ta bira mas grandi.

Medel lo busca titulo contra Fighting Harada

MEXICO.--E verdadero triunfador di e pelea cu a caba di Costa Eder Jofre e perdida di e campeonato mundial di peso gallo no ta e hapones Masahiko Harada cu pa punto a derrota e brasileño na Nagoya, sino e mexicano Jose Medel, quende gracias na dje e ta bai hanja un segundo oportunidad di conquista e titulo. Medel dos blaha a enfrenta e peso "Gallo di Oro", un dia nan pa e campeonato mundial y den tur dos el a termina inobjetable flumina door di e brasileño, dia 18 di augustus 1960 na Los An-

geles, Jofre a gana pa knockout tecnico den di diesun round y dia 11 di september 1962 na Sao Paulo caminda e brasileño a gana pa knockout den di seis round. Aunke ultimamente e tabata papia di un tercer pelea entre Jofre-Medel pa e titulo, e realidad ta casi imposibel cu e por wordu disputa. Abraham Katzenelson e manager di Jofre a bisa den un ocasion na un corresponsal cu Medel por hanja un oportunidad solamente si e titulo sai for di man di Jofre.

LISTON DEN PERFECTO CONDICION

LEWISTON, Maine.--E boxeo Sonny Liston ta den bon condicionnan fisico pa su pelea di dia 25 di luna aki contra e actual campeón mundial Cassius Clay. E ta e homber den mihor estado fisico cu mi por a yega di examina, asina Dr. Ralph F. Turgeon abisa. E dokter a actua pa e Comision di Boxeo di Maine.

Otro dokternan di e Comision un paar di dia atras a examina Clay y tambe a declara cu e ta

den magnifico condicionnan pa e pelea.

SANTIAGO DE CHILE.--Akino ta presenta e lista di e paisnan invita na e campeonato mundial di basketball cual lo worde efectua na Chile na maart 1966.

Union Sovietica, Yugoslavia, España, Brazil, Uruguay, Peru, Estados Unidos, Mexico, Puerto Rico, Republica Arabe Uni, Japon, Australia y Chile.



Riba e foto aki e Secretario General di Nacionnan Uni, U-Thant, ta presidi e reunion di e consejo di Seguridad di e cuerpo aki y durante cual reunion el a hasi un peticion riba tantu e rebeldenan como e trupanen leal na e triunvirato pa respecta e tregua qu a ser concerta pa su representante personal, Jose Antonio Mayobre di Venezuela, quende a manda informele qu e situacion ta extremamente grave na Santo Domingo.

Pareha VI/Vick Henriquez a supera Brokke/Harms den final pa campeon

Bao di un interes cu no ta comun pa partidonan di tennis local a worde hungá diasabra atardi ariba cancha di Tivoli e ultimo partido den e clase AA di e campeonato di dobbel masculino.

Den forma invicto e dos teamnan, Vi / Vick Henriquez y Janny Brokke / Nel Harms a yega te na e ultimo wega y huzgando na e partidonan cu e dos equiponan aki a brinda por a worde spera un bataya fuerte. Den esaki e fanaticonan di e deporte blanco no a keda decepcioná. E tres setnan maximo mester a worde hungá promer cu e decision a cai di e ganador. Y te na e ultimo punto ainda por a bin cambio cu lo por a cambia e wega por completo.

Especialmente tabata tin un gran atardi e veterano Vi Henriquez kende a demostra un blaha mas di ta pertenece te ainda ne grupo di mihor hungadornan di Aruba y di Antiyas Hulandes. Na momentonan decisivo Vitabata supera su contrarionan, kendenan nos tin di menciona mesora tambe realmente no tabata den nan mehor forma.

Tabata tin bunita rally, pero e fuerte brisa cu tabata supla a descontrola e hungadornan mas di un blaha.

Ambos equipo visiblemente tabata ser afecta door di e fuerte viento.

Arma fuerte di Vi tabata su atakenan na net y su backhand drive cu cual e tabata pasa su adversarionan tanto na banda como meimei di tereno. Cu excepcion di algun blaha su volley tabata tin hopi exito.

Vick Jr. a hunga tur loke e tin despues di un principio basta nervioso.

No tabata tin su servicio di cuscumbra e campeon di singles Janny Brokke, kende e anja aki no tin chens mas di ripiti loke varios anja consecutivamente el a yega di haci, esta konkista triple corona.

Awor cu e titulo di dobbel masculino a bai pa e pareha Henriquez, talves ta dos otro lo keda pa Brokke.

Tanto Brokke como Harms a falla diasabra atardi cu demasiado frecuencia ariba shotnan cu no tabata difisil.

Drivenan franco pa nan dilanti di net nan a pega mucho blaha den net.

Nel Harms a perde control especialmente den e ultimo set y

tabata pasa hopi trabao pa pone su servicio aden.

Ganando e toss, Brokke ta tuma su servicio habriendo cu dos dobbel fault, pero tog ta logra gana e game pa bai dilanti 1-0.

Pa love Vick Jr. ta perde su servicio loke a pone e score na 2-0. Promer game pa e pareha Henriquez ta ariba service di Nel Harms y ora cu Vi tambe ta perde su service, e score ta bira 3-1 den favor di Brokke/Harms.

E quinto game ta habri cu Brokke dobbel atrobe pa luego despues di un duece perde su service. E dos proximo gamenan ta worde gana door di Brokke - Harms esun number shete cu servicio di Harms despues di tres duece, cu asina ta tuma ventaha comodo di 5-2.

Tabata pasa cu e set lo a termina pronto den favor di Brokke/Harms. Sin embargo e combinacion di papa cu jloe no a desanimá y te hasta a percura pa reaccion sensacional.

Despues cu Vi ta gana su servicio Brokke ta perde di dje cu un double fault. Cu love game Vick Jr. ta empatar e score na 5 gana. Luego Harms ta perde su servicio y Vi ta gana di dje pa asina e set termina cu un sorprendente 7-5 den favor di Vi y Vick Henriquez. Cinco game sigi e team aki a konkista pa gana e set cu ya tabata parse completamente perdi.

EMPATE DI SET

Ganando e dos promer gamenan di e segundo set, Vi y Vick Henriquez ta haya mas animo ainda y ta hisa e cantidad di gamenan gana sigi te na 7.

Brokke ta gana e tercer game, pero obteniendo e siguiente dosnan e duo Henriquez ta tuma ventaha di 4-1.

Durante e game number cinco cu servicio di Nel Harms, e veterano Vi Henriquez a demostra su gran conocimiento di e deporte pasando Brokke dos blaha sigi na set cu backhand drive bon coloca.

E reaccion cu ta bin awor ta di parti di Brokke/Harms cu ta logra supera e momentonan di descontrol cu nan ta aden.

Mientras cu e duo Henriquez ta perde nan servicio Brokke y Harms ta logra gana di nan pa col asina cuatro game sigi y pone e score na 5-4 den nan favor.

E emocion ta aumenta den e partido ora cu Vick Jr. ta empatar e gamenan na 5-5. Pero luego Brokke ta gana su servicio y Vi ta perde di dje pa e set termina 7-5 den favor di Brokke y su companjero.

E match a empatar den e forma aki cu un set pa cada banda y un tercer y decisivo set mester a worde hungá.

E tercer set ta inicia cu ventaha di dos cero pa e pareha Henriquez. Den di dos gamenan aki tanto Brokke como Harms a drive malo pegando continuamente e bala den net.

E gamenan ta empatar na dos tanto ora cu Brokke ta gana su servicio cu love y Vi ta perde di dje den e mes forma.

Na favor di e duo Henriquez e score ta bira awor 3-2, pero cu e game number 6 ta bolbe empatar na 3-3. Awor ta sosede net contrario di loke a pasa poco promer na servicio di Brokke

y Vi Henriquez.

E blaha aki ta Brokke ta perde esun di dje pa love y Vi ta gana cu love, pa asina e team di Henriquez tuma ventaha di 5-3.

Ganando e proximo game Harms ta mantene e emocion den e partido ainda treciendo e score te na 5-4, pero ariba servicio di Vick Jr. e partido ta termina. Cu un fuerte smash Vi Sr. a pone fin na su wega pa asina su team bira campeon den clase AA.

E setnan pues a termina 7-5, 5-7 y 6-4 den favor di e pareha Henriquez.

Algun luna pasa den un torneo amistoso di dobbel mixto cu no tabata organisá door di Aruba Lawn Tennis Bondy consecuentemente no tabata esun oficial, tambe ta un pareha Henriquez a resulta ganador.

Tabata e team forma door di e senjora di Vi Henriquez, esta Paula Henriquez cu e mes un jloe homber cu aor huntu cu su tata a konkista e titulo campeon. Cu e nomber di Henriquez ta sigi ocupa un puesto halto den e tennis local, a keda pues claramente demostra.

Cu e resultado di diasabra atardi, e team di Janny Brokke y Nel Harms a keda den segundo lugá como subcampeon.

Miembronan nobo den directiva A.

Schietvereniging

ORANJESTAD -- Diabierna anochi a tuma lugar den Sociedad Bolivariana un reunion general di "Aruba Schietvereniging".

Durante e reunion dos miembronan nobo a worde eligi pa e directiva, mientras cu un advisor huridico a worde nombra.

Sr. Ronny Marugg a bira segundo secretario, Sr. C.H. Ragunath a bira comisario y mr. P.V. Sjiem Fat a worde nombra consehero huridico. E reunion general ademas a aproba e statutan cu lo worde manda pa gobierno pa aprobacion.

Ministronan Kroon y Beaujon ta reemplaza Petronia

ORANJESTAD, 24 mei -- En conexion cu e viahe di ministro E.O. Petronia pa Surinam, cual ta dura te mas o menos 27 di mei, e ministronan C. Kroon y L. Beaujon lo ocupa e trabounan di ministro Petronia.

Sr. Kroon lo keda encarga cu finanzas y welvaartszorg y sra. Beaujon cu enseñanza, cultura y educacion.

Representantenan di A.L.M. ta bishita agentenan

ORANJESTAD, 24 mei -- Diabierna tabata pa algun hora na



VI Y VICK HENRIQUEZ
.....E campeonnan nobo..

TENNIS NA LAGO SPORT PARK

TENNIS NA LAGO SPORT PARK (Di nos Redactor Deportivo)

Continuando e torneo di tennis pa damas single, diasabra atardi

Aruba, Srs. K. Rupplin von Keffikon y C. Yrausquin, directornan di A.L.M. y senjor R. Paul, marketing manager di e compania menciona na Antillas. Acompanja pa e representante di A.L.M. na Aruba, Sr. S. Newton nan a bishita e agentenan di A.L.M. na nos isla. Tabata trata di bishitanan di contact di e compania. Despues di a jega Aruba pa nuebe or di mainta e directornan y e marketing manager a regresa Corsow pa cuat'or di atardi.

Polisnan a caba cu un banda di falsificador na Italia

Milan--UPI--Polisnan italiano a caba cu un banda di falsificadornan, quendenan segun nan ta kere tabata esun "di mas grandi qu a operá den e ultimo 30 añanan aki".

E banda a pasa chequen falsu di banco y viajeronan pa un balor di varios millon dollar, te ora qu esaki a wordu descubri.

Polisnan a bisa qu e banda tabata operá na Alemania, Belgica, Hulanda, Suiza, Francia, Austria, Dinamarca, Libano, Japon, Nigeria e Italia.

Shete sujetos a ser detene den e parti norte di Italia den e redadanan qu a tuma lugar cu nombenan clave como "operacion pampas" y "operacion gauchos".

E shete individuonan tabata personanan di diferente pais. Polisnan ta practica mas arrestonan di numeroso personanan pa someté nan na investigacion.

sra. Nancy Krullaars den dos rapido set a eliminá Sra. Thea Kommers. E setnan a caba cu score di 6-2 y 6-1.

Cu esaki sra. Krullaars a clasifica pa e rond final entre tres hungador.



JANNY BROKKE
destrona.....



NEL HARMS
desapunta....

NP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAQ

lechi evaporado y lechi en polvo

MAXWELL HOUSE KOFFIE.





DICK TRACY

presenta pa cortesia di:

VICTORIA BOTTLING COMPANY

PEPSI-COLA --- SEVEN UP --- GRAPETTE-KIST --- VICTORIA SODA WATER --- BUFFALO ROCK --- GINGER ALE



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



Prome aniversario di e tragedia horribel cu a tuma lugar den e stadion nacional di Lima

Lima--UPI--E prome aniversario di e gran tragedia qu a tuma lugar den e stadion nacional di Lima, ora qu cientos di personanan a ser matá den un tumulto horribel, lo wordu cumplí proximo luna.

Mei mei di sorpresa y consternacion durante di cual e suceso terrible a tuma lugar e momento ey, casi un año despues nan ta sigi hasi sin qu nan por determina culpabilidad di ningun hende den e desaster, si ta qu un hende mester wordu culpá perresponsabilidad ey.

Diadomingo 24 di mei 1964, ora qu tabata falta cinco minuut pa termina un partido di futbol, amateur entre Peru y Argentina qu e bishitantenan a gana 1-0, e arbitro uruguayo Miguel Angel Passos a anulá un gol peruano bisando qu e tabata ilegítimo.

E hungadornan local a protesta, pero e ocupantenan di e tribuna popular a hasi esaki mas vigoroso ainda. Dos of tres die fanaticonan hostin, entre cual un qu nan tabata yama "Bomba" a bula waya qu tabata separá tribuna y veld pa a basha konopi riba Passos.

Un patrulla di polis di mas o menos 40 homber, cu cachonan

bon síña y na mando di comandante Jorge Azambuja, a detene e agresornan, mientras qu botternan tabata cuminsa cal manera awaceru den veld.

Nan a ordená pa benta bonnan lacrimogeno y un sector di e publico, di mas o menos 12,000 persona den e tribuna popular, a bula waya, mientras qu otro nan tabata trata na tumbele. Resto di e 45,000 espectador nan a cuminsa na bandona e stacion pasobra tabata visto qu despues di desorden aki e partido lo no sigi.

Pero e 12,000 espectador nan di e tribuna popular, yendí di panico pe bonnan lacrimogeno y qu tabata stiknan, kler a bandona e lugar ora qu nan a hafia e portanan di heru serrá. Y, loco loco, cientos y cientos di espectador nan a ser trapá.

Asina e tragedia tabata . Mas o menos 300 persona morto, aplastá, y di stik. Mientras esaki tabata tumando lugar, gruponan hostin, pa loke nan a califica como abuso policial, a asalta establecimientonan comercial y den manifestacion nan a camna bai pa centro di e ciudad, qu tabata sin di a bira un desaster. Sin embargo, orden a ser restableci pronto.

E pais y mundu henter ta recordá awe e desaster ey, qu ningun hende no tabata kier kere. E propio ministro di asuntunan interior y polisnan, qu tabata den e stadion, a bandoná esaki sin qu nan tabata sa qu den e stadion decenas di espectador nan tabata muri.

Reaccion riba esaki no a tarda. Nan a pidi pa busca e culpabelnan, Nan a detené "Bomba", investigador di e desorden. Nan a pidi declaracion (scrib) di e referee uruguayo, quende ya a regresa Montevideo. Ela renuncia, of nan a corre cu ne, pa parti di e directiva di futbol.

Nan a investigá rebendementu di entradas. Nan a puntra pakiko e personanan tabata serrá contra e normanan basica di seguridad, y nan a critica polisnan pa no a actua mas pacíficamente.

Varios investigacionnan cual su conclusionnan jamas a wordu publica, a wordu cuminsa. Judicial, qu mester a dura solamente seis luna, te ainda ta tratando e caso aki. E juez Benjamin Casteneda te ainda no termina su trabao, y como consecuencia di esey, e agente fiscal no por a señalá culpabelnan of castigonan.

Dennis Law lo ricibi bala di oro

PARIS -- E "bala di Oro" cu anualmente for di 1956 ta ser duna na e mihor hungador di futbol di Europa, y esaki lo ser entrega, na e escoces Denis Law na Manchester. Dennis Law lo ricibi e trofeo for di man di Max Urbini, redactor en jefe di e corant semanal parisienne, France Football. Ataki e lista di hungadornan cu ya a ser premia den e anjanan anterior.

1956 - Matthews, 1957 - Di Stefano, 1958 Kopa, 1959 - Di Stefano, 1960 - Suarez, 1961 - Sivori, 1962 - Masopust, 1963 - Yachin y 1964 Dennis Law.

RADIO KELKBOOM

7.00 Opening
7.02 Bon dia cu Alegria (Instrumental)
7.30 Noticia Internacional (Amstel)
7.45 Musica Matutino
8.00 Seleccion musical cu disconan Latino
8.30 Cumpleaños Feliz
9.00 Noticia Social
9.15 Musica Varía
9.30 Melodias Instrumental
10.00 Noticia Internacional
10.05 Ritmos Latinos
10.30 Programa di N. Habibe Jr
11.00 Noticia Internacional

AGENDA

POR CUMPA ARUBAANSE COURANT NA E SIGUIENTE LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

RADIO ANTILLIANA

5.30 Apertura y Oracion
5.35 Manianitas Arubanas
5.45 Melodias di Wild West
6.10 Noticia na Ingles
6.30 Noticia na Papiamento-Viana
7.00 Noticia na Ingles
7.30 Noticia na Papiamento-Autorama
7.45 Programma di Jule Nieuw
8.00 Espacio pa un ritmo criollo y un poesia.
8.10 Variedad Musical
8.30 Musica y consejo pa nos amigonan automobilista.
9.00 Noticia na Papiamento
9.15 Musica Norte-Americano.
9.30 Mejico Cantando Via Radio Antilliana
10.00 Intermedio Musical
10.10 Noticia na Ingles
10.20 Programa di La Macoris na e International Supermarkets
10.40 Momento di Ritmo
11.00 See changes
11.15 Voznan Popular
12.00 p.m. Oracion di Merdia
12.03 Seccion Informativo
12.20 Noticia na Papiamento - Viana
12.30 English News - Panam
12.45 Capsulas en Orbitas alrededor di mundo deportivo
1.00 Noticia na Papiamento
1.20 Fiesta Calypso
2.00 Lo De Ayer
2.30 Boleros Romanticos
3.00 Music for Teenagers
4.00 La Esperanza y su Obsequio Musical
4.30 Programa di All Electric Sales
4.45 Variedad Musical
5.00 Noticia na Papiamento
5.30 Calypsorama - Budweizer
5.45 Musica Chevere
6.00 Ora Infantil
6.15 Musica di Colombia
6.30 Noticia na Papiamento
6.45 Variedad Musical
7.00 Felicitaciones y Complaciendo Peticiones
7.45 Programa di Jule Nieuw
8.00 Programa di Club Bonaireano - Club Surinam
8.15 Continuacion di Fel. y Compl. Peticiones
8.30 Saludos Reddy Kilowatt
9.00 Desfile di Exitos
10.00 Anioranzas - Oracion
10.30 Impactonan Musical
11.00 Melodia y Romance Musical
12.00 Clausura.

11.05 Musica Norte Americana
11.15 Musica Antilliana
11.30 Musica Varía
12.15 Noticia Internacional (Amstel)

12.30 Musica Norte Americana
12.45 Noticia Local (Viana)
01.00 Variacion di Ritmo Latino
01.30 Mei ora cu Boleros
2.00 Noticia
02.05 Novela (Repeticion)
02.30 Peticiones
03.00 Noticia
03.15 Ritmos di Caribe
03.45 La Macorisana & International Supermarket
04.00 Musica cu sabor Azteca
04.30 Noticia Local (Heineken)
04.45 Cocktail Musical
05.00 Musica Varía
05.15 Musica Varía
05.30 Alle Hens
06.00 Noticia Deportiva (Gillete)
06.15 Musica Varía
06.30 Musica para la Cena
07.00 Musica Aleman
07.45 Musica Norte Americana Instrumental
08.15 Novela (Colgate)
08.45 Musica Varía
09.00 Club Telatelico
09.15 Musica Varía
10.00 Sluiting



Arubaanse Courant

Directiva y anuncio, tel: 1116
Redaccion y subscripcion, tel: 2116
Manager E. Wouters

Diamars 25 di mei 1965.

Boerhavestraat 12, Oranjestad
Subscripcion pa luna fl. 3,25
Un edicion los fl. 0,20

EHERCITO INTERNACIONAL TA CLA PA MANTENE PAZ NA R.D.

Santo Domingo--UPI--Trupanen di Brasil, Merca Nicaragua, Honduras y Costa Rica a laga constitui e promer forsa militar interamericana, cu e mision di "colabora den e restauracion di e normalidad na Republica Dominicana".

E forsa colectiva chikitu, cu tin e responsabilidad di pone fin ne crisis dominicana, a cuminsa opera oficialmente ora qu ayera nochi nan a firma e documentonan pertinente. Na nomber di e Organizacion di Estadonan Americano OEA e secretario general, Jose Antonio Mora Otero a buta su firma.

Entre tanto, general Antonio Imbert, lider di e Junta civico-militar di gobierno tabata manifesta cu e lo keda na poder maske cu e guerra civil cu ta drenta awe den e di dos luna bao di un tregua informal, lo ser supera pa algun acuerdo politico.

Pa su parti, e ministro di relacionnan exterior di e gobierno "constitucionalista" di e rebel-den, Jottin Cury, a ofrece un conferencia di prensa pa señala qu e lo mehora e posibilidadnan di soluciona e crisis dominicana y cu e conversacionnan den tal setido ta progresa.

Cury a añadi cu tanto e como e lider rebelde, coronel Francisco Caamaño Deño, tabata dispuesto na keda pafor di e gobierno nobo cu lo surgi pa facilita un solucion constitucional. Na mes momento, Imbert a hasi un yamamentu ne forsanen di Caamaño pa nan rindi cu dignidad, Nacionnan Uni lo reanuda awe tar-

di e debate riba e situacion na Republica Dominicana. Mientras cu nan tabata produci e declaracionnan di Cury e Imbert tabata circula e version di cu e formacion di un gobierno di coalicion den cual no ta figura ni Caamaño ni Imbert lo ta inminente.

Imbert a papia ne nacion pa radio y television, formulando un yamada di paz, e trabao y e orden, a fin di cu tur contribui ne difi-cil tarea di drecha e danjo cu a ser causa ne pais pa e guerra civil di cuater siman".

E tono di su discurso, cu a dura 20 minuut, tabata consiliatorio mientras cu e no a menasa di lansa un ofensiva general pa trata di aniquila e oposicion, manera el a hasi den pasado, pero tampoco e no a indica cu e lo ta dispuesto na negosha un formula politica den cual el lo ser sustitui na poder, dunando paso na un gobierno di conciliacion nacional.



Diasabra mainta S.E. Promer minister di Antillas Neerlandes, E. Jonckheer, a viaha pa Surinam riba invitacion di promer minister di Surinam, Premier J. Pengel. Na yegada di promer minister Jonckheer na Zandérij, tabatin un comision di recepcion encabezá pa premier Pengel qu a ricibi e autoridad antillano y su comitiva. Riba e foto: premier Jonckheer cu Premier Pengel.

Imbert a manifesta cu e "libertad lo no corre peliger nunca", bao di un gobierno cu lo ser presidi pe, despues di un dia tranquil na Santo Domingo. Imbert tabata un di esnan cu a

asesina e dictador Rafael L. Trujillo cuater anja pasa, y e hecho aki el a recorde den su exposicion.

E constitucion di e forsa interamericana, pa otro parti, a ser hiba a cabo den e sala di balle di e hotel Embahador. Pa cada un di e paisnan cu a manda contingentenan ne forsa militar e respectivo comandantenan a firma e documentonan oficial di e caso.

E otro bom cu a ser descubri a ser coloca den e cuartel di e fusilleronan di Montreal, Esaki y esun anterior a ser desarma pa expertonan. Canada ta celebra awe dia di imperio, den conmemoracion di e reinado di Victoria, na siglo dieznuebe.

Merca lo contribui 32.000 solda ne forsa y e otro paisnan mas o menos 1.600 en total, Costa Rica a manda 21 polis militar pasobra e no tin otro tipo di forsa arma. E forsa, cu lo ta bao di e ordenan di un oficial brasileño, mester zorg pa e seguridad di e dominicanonan "e inviolabilidad di e derechonnan humano, y e establecimiento di un clima di paz y conciliacion cu lo permiti e funcionamiento di institucionnan democratica" den e pais. Funcionarianan di Merca ta considera cu ya Republica Dominicana no ta corre e riesgo di cai den man di un regimen comunista, segun fuentenan autorisa a bisa, y cu probablemente e lucha lo no sigui na Santo Domingo.

E informantenan a expresa cu Merca, lo keda contentu cu Guzman lo presidi e gobierno dominicano nobo. Guzman tabata ministro di agricultura durante e gobierno di e presidente derroca Juan Bosch, u ta biba exilia na Puerto Rico.

FATUM
Pa tur bo asegurado
Tel. 1845.

Castigu pa delito di inmoralidad

ORANJESTAD, 25 mei - Recientemente huez den prome instancia a trata un caso di delito immoral. Ta trata aki di un homber S.R. di 33 anja y un otro homber di 66 anja, kendenan a comete actonan di immoral cu un mucha muher menor di edad.

E castigo cu fiscal a pidi contra di S.R. tabata seis luna di detencion, di cual tres luna ta condicional cu un tempo di prueba di dos anja y kitando e tempo ya e acusado a pasa sera for di shete di april, e anja aki.

Huez a castiga e acusado conforme cu e demanda di e fiscal.

Su companjero di sesentitres anja a tende e fiscal pidi un castigo di seis luna sera cu un tempo di prueba di dos anja y kitando e tempo cu ya el a pasa sera, for di dia shete di april di e anja aki.

Huez tabata di acuerdo cu e demanda di e fiscal y a castiga e acusadonan di tal forma.

E dos personanan aki lo keda sera te dia shete di juli.

A HAH... ..

MAINSHI

di

Libby's

ta haci

TUR CUMINDA

mas

SABROSO



Agente: N.V. WINKEL'S HANDEL MAATSCHAPPIJ

RESULTADONAN DI BASEBALL LITTLE LEAGUE

Durante e ultimo weekend tabata tin algun wega di baseball Little League extra debi na cu algun mester a worde suspendi dos siman pasa pa motibu di awacero.

Resultado di tur e weganan hunga ta lo siguiente:
Aruba Caribbean Hotel a supera Nutricia 21-9, conectando 9 hit contra 2 error, mientras cu Nutricia a conecta 3 hit y comete 6 error. Pitcher ganador tabata D. Kock, perdedor S. Leysner. American Legion a obtene victoria pa default ariba Aruba Rotary ya cu e equipo aki no a presenta cu suficiente hungador.

Pa un carrera 6-5, Libby's a gana di Viana. E hitnan conecta door di e clubnan tabata mes hopi cu e carreranan cu cada uno a

anota. Den error Libby's tabata tin cuatro y Viana tres. Pitcher ganador A. Schwengle perdedor A. Wever.

Un interesante oartido tabata esun entre Super Cleaning y Aruba Lions cu score di dos pa uno. Super Cleaning a resulta vencedor. E ganadornan tabata tin dos hit y e perdedornan tres, apenas un error tabata tin cometi den e partido y tabata door di Super-Cleaning.

Pitcher ganador tabata J. Didler, perdedor A. Hodge. Cu diferencia grandi di 18 pa 2,

e novena di O So Grape a triunfa ariba U.S. Keds conectando 13 hits contra di uno di e novena perdedor.

Cuatro error O So Grape tabata tin y U.S. Keds uno.

J. Hassel cu tabata e pitcher ganador a conecta un homerun.

Perdedor tabata J. Tromp.

Ocho carrera pa shete Pepsi Cola a gana di Aruba Caribbean Hotel, apesar di a conecta apenas dos hit. Caribbean Hotel tabata tin cuatro hit y mes tanto error. Pepsi tabata tin tres error. L. Boekhoudt a resulta pitcher ganador y Leslie Kuiperi perdedor. Wrigley's a gana di Nutricia cu score di 10 pa 4.

E novena ganador a conecta 9 hit y comete 3 error, esun perdedor tabata tin 7 hit conecta y 8 error cometi.

"NOS BIDA SOCIAL"



Entre e doscien muchanan cu diadomingo ultimo a haci nan Prome Santa Comunion den distrito di Santa Cruz tabata figura e tresnan riba e foto aki. Di r.d. drechi: Rudolf Mario Flemming, yiu di e conocido Dominico "Coco" Flemming, miembro di Eilandsraad y presidente di A.B.B.A. y Nabafé; Daphne Flemming y Roland Flemming yiu muher y yiu homber respectivamente, di sr. Pedro Flemming di Macuarima 73 A. Na e tres hobennan aki y nan mayornan ta bai nos cordial pablen.

R. Dubero a resulta pitcher ganador y T. Figaroa perdedor. Un partido sin hit a resulta esun entre Supercleaning y Viana hunga diadomingo mainta. E dos pitchernan R. Briezen di Supercleaning y N. Roger di Viana a haci magnifico trabao dominando nan toleteronan contrario por completo.

Viana su fildeo ademas tabata impecable, loke a resulta decisivo den e interesante partido.

Cometiendo dos error na momento inoportuno Super Cleaning a permiti e unica carrera di wega cual pues tabata decisivo ya cu e score final tabata di 1-0 den favor di Viana.

E hungador A. Everduin di Viana a embasa den e tercer inning despues cu e a bldor a poncha cu base por bola. Saliendo di robo pa segunda Everduin tin chens di continua pa tercera como cu e tiro di e catcher di Super Cleaning ta mucho halto y ta bai te den hardin central.

Di aki ta bai tiro malopa tercera y asina Everduin a hanja oportunidad di sigi te home cu loke tabata e unica carrera di wega. E dos errornan costoso aki a resulta decisivo den e magnifico trabao cu e dos lanzadornan a haci. E otro dos outnan di e inning ey tabata pa via di ponche tambe.

NO. 19

Bo ta destina pa mi

"Un equivocacion mi dushi. Tur loke mi ta mira ta, con cadatras di otro ta pasa, y con cada dia claridad di solo ta brilla mas chikito pa nos.

Y si e keda keto mitar anja, e por sigui keda keto pa semper tambe. Ningun hende lo saca un dede pa nos".

"Nan! Pero nos no ta bay lembenan Knut. Bo no ta haya cu nos mester tin un poco orgullo? Nos ta haciendo tur cos riba nos propio forzanan. Nos tin un doel, y nos mester alcanzé tambe".

"No ta berdad! Bo mes sa esey".

"Bo ta haya cu nos ta traha pa e hendenan haya duele di nos? Tur loke nos kier, ta mustanan cu nos no tin mester di nan? E ora nan lo tin motibo pa hari nos. No Knut, loke nos kier ta, pa nos felicidad keda conservá." "Y con abo ta imaginabo esey? Cuan-to tempo nos mester keda bibauntu asina? Ami como obrero y abo anochi sintá tras di un machien di type?"

"No, segun mi e chens ey ta mucho chikito. Mi ta joven, y mi tin derecho di biba manera mester ta". "Ta nos mes a escohe e modo di biba aki Knut. Mi ta kere cu no ta duel bo awor? Cualquier dia cos lo drecha. Bo mes a bisa cu: loke nos tin mester ta un poco curashi y resis-tencia. Ya bo a perdé çaba?" "Mi tabata bin curashi, esey bo sa masha bon. Mi no a duda ningun seconde, cu mi mayornan

lo bai di acuerdo". "Y ta esey tin bo asina? Mi Dios Knut. Esey no por ta berdad!" Gitta ta coy e homber tene na su brazu. "Mi ta kere... mi ta kere... cu nos, tabata stima otro! Y ta pesey nos tabata lucha, y ta pesey...." "Si, ta pesey nos a sufri hamber, bisa numa. Nos tin di para mira ora cu otro hende ta hari, y nos ta spaar cen ora cu otro hende ta gasta placa di papel". "Ami no Knut, ami no. Mi sa, pakiko mi ta haci tur e cos aki. Kiko algun anja di problemas ta nifica, ora bo pensa, cu e realizacion di nos deseo ta para su tras?" "Algun anja? Ya e lunanan cu a pasa, tabata parse un eternidad.

Mi no por sufri hamber Gitta. Mi Dios, mi a trata, pero mi no por. Ora cu abo ta sinta tras di e machien di type anochi, mi mester tapa mi oranan. Y tambe e autonnan di carga cu tin mi stoma ta mira caba. Bo sa, mi a jega di corre un sportwagen y scucha e musica di e motor. Mi tabata tin amigo, cu no tabata punta ki prijs un botter di champanja tin. Nos tabata tin solamente champanja dia di dos matrimonio, y ya ta un siglo pasá caba. Ya mi no por mas, bo a tende? Y mi no kier sigui asina tampoco".

"Basta Knut, ta basta. Bo ta of-fer -ni". "Nos por cambié, esta cu abo kier. Aina nos tin e placa di bo mama, no ta berdad? Pakiko bo ta bay buské? Nos por bay mira un cini di vez

en cuando, bay diverti nos un poco.

"Y e placa lo dirti mescos cu ijs den solo. Nos tin mester di dje pa nos estudio. Knut, bo sa esey masha bon". "Kier meenbo no ta bay di acuerdo. Y si mi pidibo pa bay cu mi, lo bo nengami?" "Mi no por bay Knut. Mi a trece un cantidad di trabao cu mester ta clá mayan mainta tempran. Nos no por papia un otro ora tranquil Knut? Kizas nos por haya un solucion. Mi ta comprende. Si bo no kier corre mas riba un auto di carga, nos por biba toch sin e entreda ey".

"Y hundi mas den e pos? Nunca mi tabata tingana di corre riba un auto di carga. Nos ta riba un caminda cu no tin fin, y e unico cos cu nos por haci ta bay bek! Ya mi ta fadá caba. No mirami asina, mi sa cu mi ta brutal. Pero awe mi a pasa un diaterribel, y mi no por lubidé cu un tiki té barata. Bo ta bay cu mi of no?" "Mi no por Knut". "Okay, mi so ta bay anto. Mi tin mester di aire fresco, sino mi ta stik." E ta coy su mantel y ta bisti su sombré. "Mi no sa ki ora lo mi bolbe", e ta bisa Gitta, kende a keda para manera un hende lam. "Bo no tin mester di sinta sperami". E ta sera e porta su tras, y Gitta ta primi su mannan contra su cara.

"Knut", e ta exclama. "Oh Knut. Ta asina nos matrimonio ta?" Jorando e ta cay drumi riba e sofa. A dura basta, prome cu el

a tuma su decision: E no ta sigui studia mas, y e ta bay busca un trabao, cu ta lagué gana suficiente pa por biba. Y loke su mama a laga pé, lo e duna Knut pa paga su estudio, y esey lo ta suficiente pa basta anja tambe.

Dicon e no a pensa mas prome riba e posibilidad aki? Pober Knut mester a corre riba un auto di carga, y e no ta gusta. E siguiente dia mes lo e haci loke el a dicidi. Knut lo lubida cu e tabata rabia ayera, y ya e no tin mester di pidié sali cu né, sin speranza. Gitta a traha duró e anochi ey. Cada blachi cu e jena, e ta habri su oreanan bon pa scucha si e ta tende Knut su pasonan riba e trapí.

XXXX

Ora cu e siguiente mainta Gitta a participa e hefe Muller su decision, mesora e homber a proponé pa cuminsa traha di biaha. E tabata tin mester di un secretaria, y e ta convenci, cu pronto Gitta lo haya sa tur e trabao. Y e salario cu el a bisé tabata mas di loke el a spera. Gitta por a dal un grito di alegría. Di repente mundo no ta muestra asina tristo mas. Ya el a cuminsa sonja di un cas chikito y bunita y naturalmente el a papia esey cu Knut tambe. "Ya mi ta imaginami con e lo bay ta", e ta bisa emocioná. "Poco poco nos lo paga tur nos mueblesnan. Ach Knut, bo ta sintibo felis

atrobe, no ta berdad?" Knut ta admiti, y naturalmente Gitta ta kere. Awor a bira cu nan ta mira otro menos cu antes. Bandi 7' or Gitta ta sali bay y tabolbe te anochi laat. Tabata tin hopi trabao, ya bin clá, e mester keda traha overtime. Knut a laga esey dura algun siman, pero despues el a cuminsa grunja. "Bisami uncós, ta cu ken bo a casa? Cu mi of cu firma Muller? Casi mi no ta mirabo mes mas". "Pero bo no por kier tur cos", e ta purba consolé. "Ora cu mi custumbrá cu e trabao, mi por bin cas mas tempran". Pero nunca Knut a sinja spera. Algun dia despues, ora cu Gitta a bin cas anochi e no a hayé na cas. Y desde dia ey, el a cuminsa haci esey varios biaha. Pronto Gitta a haya sa, cu Knut ta bay bishita su amigonan bjeeuw atrobe. Un parti grandi loke Gitta ta gana, Knut ta bay basta pa su diversion. E no kier keda atras cerca e otro nan, y Gitta ta duné tur loke e por. Aina e ta sintié culpabel cerca dje, y semper e ta spera, di por salba su matrimonio joven. E ta haciendo tur posibel pa no demostra, con hondamente ofendi e ta sintié. Pero cada dia ta bira mas difícil. Mas tempo cu pasa, mas desesperá e situacion ta bira. Y porfin a jega e dia cu Knut ta haci anja. Gitta a dicidi pa haci un fiesta chikito.

E ta sigui....



E acrobaat hoben Dominicano di 23 anja di edad Jose Garcia, na e momento ta na Aruba y probablemente lo duna algun presentacion.

E ta specialmente acrobata ariba bicicleta. Aki algun shot di e acrobaat durante un actuacion.

MUCHANAN UN BOEKI NOBO

"E TESTAMENTO NOBO DEN PRENCINAN PA MUCHANAN"

Cumpra pa Fls. 3.00

Nr: LIBRERIA VICTORIA-NASSAUSTRAT 73A -Aruba.

E/E - Publicacion di Editorial Evangelica.

JAMES DI HEINEKENS A BLANQUEA VERF ANTILIANA

E lanzador F. James di Heineken's a percura pa e promer blankeodi e temporada di baseball AA 1965 ora qu el a tene e novena di Verf Antiliana na apenas un hit diadomingo merdia.

Unicamente dos hungador James a permiti embasa den e nueve inningnan cu el a lanza. Dos di nan tabata cu base por bola y e otro cu e unico hit di e verfidonnan. Por cierto despues di a duna un base por bola cu dos out den e promer inning, James a retira e bateadornan di Verf Antiliana den orden di paso di conga durante cinco inning consecutivo. Unico blaha cu e tabata tin dos contrarrio na base tabata den e septimo inning pa despues domina e siguiente bateadornan cu rolling den su propio man y fly pa shortstop. Tambe den e ultimo dos inningnan James a enfrenta solamente tres homber cada blaha. E dominio di pitcher James ariba e toleteronan di Verf Antiliana pues tabata completo. El a poncha un total di cinco. Heineken's a anota su promer carreda na man di nan ex-lanzador Shon Fi Maduro cu a anja aki ta forma parti di Verf Antiliana, den inning number cuatro. Simeon Bryan a habri cu e segundo hit di e cerveceronan, ta roba segunda y ariba error di segunda base ta bai te tercera. Un hit di Gaby Illidge ta empuha Bryan

cu e promer carreda di wega. Den e septimo e cerveceronan ta bolbe piki un carreda. Philip Freedom a habri cu hit den leftfield. Despues di a roba segunda, Bryan ta anota ariba un fly largo di sacrificio connecta den leftfield door di Antonio Jones. Ultimo carreda e novena di Heineken's ta logra den inning number nueve. Esaki tabata mediante un homerun den leftfield connecta door di Sam Jacobs, kende a bolbe demostra di ta ademas di un gran pitcher un peligroso bateador tambe. Den cuatro turno na bate Sam tabata tin un twobey y un homerun. Hunto cu Gaby Illidge el a dividi e honornan di ta e mihor bateador di e partido cu dos hit den cuatro turno. E partido a caba cu e anotacion di 3-0 den favor di Heineken's cu a connecta total di ocho hit y a hunga sin error. Ver Antiliana a connecta un solo hit y a comete tres error. Pitcher ganador tabata F. James perdedor Shon Fi Maduro. Ambos a lanza e completo nueve inningnan. Heineken's tin awor dos gana

cero perdi pa ta ariba cu mitad di ventaha ariba Esso cu tin un triunfo sin derrota. Den e tercer puesto ta sigi Marlboro cu un gana y un perdi pa un wega atras. Verf Antiliana ta sigi 1 1/2 di desventaha cu un derrota sin triunfo. Ultimo puesto ta siendo ocupa door di Winston cu tin dos perdi sin triunfo pa ta actualmente dos wega atras di e lidernan. Majan anochi e campeonato ta continua cu e partido entre Winston y Verf Antiliana.

Kaarchinan na venta pa wandelmars di tres anochi

ORANJESTAD, mei 25 - Nos a ser informa cu e interes pa e wandelmars di tres anochi sigi ta creciendo rapidamente.

Anja pasa e prome di tal wandelmars a ser teni cu un exito asina grandi cu e organizadornan a dicidi na bolbe tene e anja aki.

Mescos cu anja pasa, e mars di e anja aki lo ta concentra den e distrito di Santa Cruz. E trajectonan lo cubri Santa Cruz y vecindario, mientras cu e balle di clausura lo worde teni riba e di tres anochi den club Estrella na Santa Cruz.

E wandelmars lo worde teni

De Caribbean Mercantile Bank N.V. maakt bekend dat, voor aannemers gevestigd te Aruba, op 21 juni 1965 om 11.00 v.m. ten hunnen kantore Nassaustraat 37.

AANBESTEDING

zal worden gehouden voor de bouw van een bankgebouw met kantoren te Oranjestad.

Bestek en tekeningen zijn vanaf 25 mei verkrijgbaar Naf. 75.00 op bovenvermeld adres.

Restitutie uitsluitend op dag van aanbesteding voor ongeschonden exemplaren Naf. 50.00

Nos a ser informa cu entre tanto ya e tarhetanan pa participacion den e marsnan aki, ta na venta caba.

E casnan comercial "Spritzer & Fuhrmann", "Bata", y "Licores Aruba", a pone copanan disponibel pa e ganadornan, mientras cu cada participante lo hanja un cruz como recuerdo na e mars nan aki. Finalmente tur e personanan cu a participa anja pasa den tur e tres anochinan lo hanja un insigna especial pa nan participacion.

Ciudadanonan nobo y proximo matrimonionan

ORANJESTAD, mei 25 - E parehanan cu den ultimo dianan a duna man na oficina di censo ta: mei 24: David Jose Maduro di Oranjestad y Rufina Sevinger, tambe di Oranjestad. mei 24: Roberto Osbaldo Maduro

di Weg Rool hundo y Leoncita Wernet di Weg Seroe Blanco.

A NACE:

mei 21: John Emile, yiu homber di Alberto Albertsz y Maria del Carmen Wever.

SHON EMAN TAMBE TA HACI PREGUNTANAN NA BESTUURSCOLLEGE

Ayera e miembro di eilandsraad y alavez lider di e fraccion di A.V.P. den e colegio aki, Sr. Albert "Shon A" Eman-siguiendo e ehemplo di su colega Sr. Ernest Finck di P.P.A. - A dicidi na lanza e siguiente cinco preguntanan relaciona cu e instalacion di un tubo pa conduci zeta di Lago pa Balashi, na Bestuurscollege di Aruba, segun articulo 26 di e "reglement van Orde" di Eilandsraad.

E preguntanan di Sr. Eman ta sigi aki hau:

Bestuurscollege por informa si ta berdad, cu e trabau pa entregamento e instalacion di un tubo pa conduci zeta for di Lago pa e fabrica di awa na Balashi a worde duna na e firma Petrona & Croes pa e prijs di Fls. 539,000.- Despues cu un destajo publico a ser teni pa e trabao aki? y si T^a asina.

2. Bestuurscollege por informa si ta berdad, cu entre e suma cu e departamento di Water-En Energiebedrijf (W.E.B.) ja valua y e suma cu e firma Petrona & Croes a ofrece tin un diferencia di mas cu Fls. 100,000.- ? Es decir cu e oferta ta mas di Fls. 100,000, Mas halto cu e suma cu a ser valua ? Y si T^a asina.

3. Bestuurscollege por informa e motibunan pa cual el a duna e trabau tog na e firma Petrona & Croes, apesar di e hecho cu e hefe di e departamento en cuestion, huzgando e resultado di e destajo, a conseha enfaticamente pa Gobierno mes haci e trabau, lo cual lo a nifica cu e territorio Insular lo a economiza mas cu Fls. 100,000.- a lo menos di un suma hopi halto ?

4. Bestuurscollege por informa si ta berdad, si uno of mas diputado no tabata na altura di e procedimiento aki ?

5. Bestuurscollege por informa si ta berdad, cu Bestuurscollege awor a dicidi di no kler mantene e dunamento di trabau na e firma menciona. ? Y si T^a asina...pa cual motibunan esaki a tuma lugar?



Dia 4 di Juni riba un Diablerne atardi ta ser spera na Aruba e agrupacion musical cu ta causando sensacion na Corsow entre e Teenagersnan The Three Voices ta ser jama na Corsow e "THE BEATTLES" di Corsow. Luna pasa durante un Concurso Musical entre varios Grupos na a ser proclama como e campeonan di Corsow. The Three Voices lo jega Aruba Diablerne dia 4 di Juni i nan lo tin un programma basta bon ta spera nan. Nan lo actua dia 4, dia 5, dia 6, dia 7 di Juni den varios Clubnan di Aruba. Tambe lo bini junto cu nan for di Corsow "The Three Voices Fan Club, Na Corsow The Three Voices ta ser jama "Idolo di Teenagersnan" - the real twisters - the shindig masters i maestronan den surf. Keda pendiente pa mas noticia di "The Three Voices". Algo especial di The Three Voices ta cu nan por toca i respalda un balle completo. Nan repertorio ta musica di Teenagers manera Twis-Rock n Roll surf- tumba- merengue-bolero-guaracha. Generalmente bisa nan ta Maestro den tur cos. Algo importante; Muy probable "The Three Voices" lo bai den un balle mano a mano cu Magnificent five cu tambe ta cosecha enorme popularidad aki na Aruba.

ANTES: E CARRETERA PA SAN NICOLAS

PAKIKO TA YAMELE ROOI FRANCES?

Probablemente pa motibu cu e autorit di e Mariniernan ta pasa den Rooi Frances, hopi hende a puntra den e ultimo diano, pakiko precisamente é Rooi Frances ta worde jama Frances. E contesta ta rapido: Ningun hende sa esaki.

Pero tog tin algo mas pa conta di dje, pasobra tin storianan masha masha bieu tocante e origen di e nomber curioso aki. Kiko ta, sinembargo, berdad di leyendanan, cu ta menciona hechonan di cual no ta existi e siguranza historico?

Afirmando esaki di antemano, nos kier conta e storianan bieu tog.

Na anja 1823 un predicado a bishita Aruba pa prome blaha.

Tabata Domi Gerard B. Bosch, predicado di e "Fortkerk" na Corsow, kende kier a mira con cos ta para na Aruba. Manera ta conoci Aruba tabata territorio "prohibi" den siglodiez-ocho; hendenan blanco y liber no ta permiti pa establece aki y pa e motibo ey no tabatin un comunidad protestant. Alrededor di anja 1800 e imigrantenan a cuminsa bini y algun decena di anja despues sigur tabatin motibo pa un domi bai mira con leu e hendenan aki tabatin mester di e ayuda di un predicador. Cu ex-

cepcion di algun di imigrantenan blanco, cu ta e raz di e fami-nan arubiano di mas bieu, pues tabata protestant.

MEMORIANAN DI ANTES TA PAPIA DI ROOI FRANCES.

E domi Bosch aki mas despues a scribi su memorianan, un buki cu na 1830 a sali den algun tomo na Utrecht y den cual nos a leza hopi cos di e Aruba na cumzamento di siglo dieznue-be.

Segun e memorianan aki domi Bosch tabata gusta keda na Aruba, maska cu e tabatin miedo di e viahe di lamar pa Corsow. Debi na e coriente un tal viahe tin blaha por dura tres dia te un siman den e epoca di barco di bela.

un senor Croes-kende a keda desconoci - a cont'e cu segun e indliannan di mas bieu un combate a tuma lugar entre francesnan y e indliannan di Aruba. E indliannan mester a hui y a sconde den un gruta. Un cacho, sinembargo, a descubri nan y ora cu e francesnan no por a yega na entrada di e gruta, nan a sende candelan gran di, door di cual e indliannan a stik.

Croes tabata corda e gruta ainda. Aparentemente ta trata aki di e Gruta di Canashito, Domi Bosch a bishita e gruta. Sin trapi of cabuya un hende no por a drenta den e gruta.

e entrada mes no tabata hala atencion y tabata largo y smal, mas o menos grandura di un porta, pero drumi, horizontal.

ey Schinck nunca mas a bolbe Aruba. Segun Croes a conta e domi, e pader tabatin e custumber stranjo cu na unda cu e to-pa cabeznan di hende morto e tabata ranca e dientenan for di e cachete y hinka nan den un saco. E skeletanando di esaki tabata bruha den otro y loke Schinck a haci cu tur e dientenan ey, e no por a conta.

UN PASTOOR NA E GRUTA DI CANASHITO

For di 1880 pa 1886 Aruba tabatin un pastoor Anton J. van Koolwijk un nomber cu a haci masha hopi trabau di investigacion di e epoca di indian na Aruba. Na 1882 e pastoor a scribi un articulo riba esaki y for di esey nos ta mira cu aparantem-ente el a leza e buki di domi Bosch, pasobra en corto e scribi e storia, cu Croes a conta domi Bosch, yena cu algun observacionnan di dje mes: segun pastoor Koolwijk e gruta tabatin e forma di circulo cu un profundidad horizontal di mas o menos diez pia. E pastoor a hanja wesonan mita putri, segun su calculacion di ocho te diez persona maximo. Escritura of pinturanan e noa hanja.

NADA DEN ARCHIVO

Riba e testimonio di dos persona por acepta anto, cu enberdad algun weso a ser hanja. Sin laga duda e storia aki tin un evento como base. E autor di historia tin di keda keto na ausencia di fuentenan scribi. Un -reconstruccion di loke a pasa

en realidad, nos no por duna. Domi Bosch ta papia di dos siglo pasa, pues mas o menos na anja 1620.

Naturalmente no ta imposibel cu mas o menos e tempo ey francesnan a desembarca na Aruba. Francesnan tabata dal rond den Caribe mescos cu tiponan di otro nacionalidad, piratanan pasobra e colonizacion den e area di Caribe ta cuminsa mas despues.

ROOI FRANCES, E CARETERA MAS BIEU PA SAN NICOLAS

Esnan mas bieu si sa, pero tog nos ta ripara cada blaha cu tin hopi cu no sa ta un hecho cu te na anja 1938 e ruta custumbra entre Oranjestad y San Nicolas tabata un caretera banda di Mahuma. Sabana Grandi y despues door di Rooi Frances. Te na 1938 nan a traha e caminda, cu na e parti mas pariba di J.H. Fergusonstraat - tabata sali riba e caminda grandi canto di lamar patras di e antiguo Ecury Garage.

Awor casi un cuarto di siglo mas despues, ora cu e aeropuerto a worde extende y e caminda lo a pasa dwars riba e vliegveld, e L.G. Smithboulevard a worde traha na 1942, cual caminda na su turno a worde alargado na 1963 pa motibo cuna e vliegveld cu ta bira mas grandi dia pa dia, e caya ey lo a pasa riba e pista. Solamente e caminda bieu via Rooi Frances a keda

(Johan Hartog)

TELEARUBA

5.30 Children Hour
6.00 Sir Francis Drake
6.30 R.V.D.
6.45 News
7.00 Bugs Bunny
7.30 Sportnews
7.45 Tombstone Territory
8.15 La Esperanza Show
8.45 English News
9.00 77 Sunset Strip
10.00 Dutch News
10.05 The Defenders



De Veer: 8.30 p.m. "Flight From Ashiya" 18 j
Rialto: 8.00 p.m. "Rada de Puerto" 18 j
Principal: 8.00 p.m. "Kissin Cousins" 18 j
Aurora: 8.00 p.m. "Dos son Culpables" 18 j
Savaneta: 8.00 p.m. "Lulu" 18 j

UN INVASION FRANCES?

Una vez cu domi Bosch tabata aki, anto e trabau religioso no tabata asina hopi cu e por a jena un dia henter.

Y pa motibo di esaki el a cuminsa cu su paseonan pa sinja conoce e isla. Durante un di e paseonan domi Bosch a bin hanja den Rooi Frances, cu e tempo ey-correctamente tabata worde jama Rooi, Domi Bosch e ora ta conta cu el a puntra e habitantenan, pakiko e rooi frances ta worde jama frances. Riba esaki

TA HUUR

Un cas na San Nicolas 3 dormitorio, prijs di huur barata.

Jama tel. 9-2523.

TA BENDE

Pa motibu di viahe Un cas ariba terreno di erfpacht

Tambe muebles.

Acudi na: Savaneta 41A, of jama tel. 7256.

Un y otro tabata motibopae predicado considera e storia di Croes tocante e invasion di e francesnan creible. Una vez cu e predicado tabata paden el a hanja e den un espacio basta regular, na unda el a hanja stof y wesonan di hende.

RANCA DIENTE FOR DI CACHETE.

Segun Croes e skeletanan tabata intacto den su hubentud. E tempo ey el a sirbi di gulá pa pader Jacobus Schinck O.F.M. Esey mester a socode prome cu 1809, pasobra despues di e anja

NEW DELHI -- UPI -- E expedicion militar indio qu ta dene cadena di Himalaya a logra na subi pa di dos blaha te ne top di Mount Everest, qu ta e seru mas haltu di mundu, di 8,847 meter haltu.

E grupo encabesa pa Sonam Gyatso, di 42 aña di edad, y Songam Wangyal di 23, a yega top di e serru diasabra 55 minuut prome qu nan a baha.

Gyatso y Wangyal a haña riba e top e banderanan di India y Nepal, cualnan a ser laga aya pa nan companeronan A.S. Scheema y Navang Gombu, quendenan di dos dia pasa a mara esakinan ne mastil riba e top mas

haltu di mundu instala pe norteamericano na aña 1963.

Tabata te ayera tardi numa qu mas detallenan riba e subimentu aki por a ser duna.

Tres helicoptero "Sherpa" a yega cu e carganan pa e campamento final na un altura di 8,500 meter for di unda, esigulente mainta, Gyatso y Wangyal a cuminsa cu e atake final. Te ne punto ey tur e equiponan a subi sin usa oxigeno, ya qu tur e equiponan qu na ta reservele pa e subimentu di e ultimo 347 meternan, qu a ser cumpli den sels ora, es decir dos mas qu esnan calcula como normal pa subimentu di e altitudnan ey.

Glasnan di lechi ta siqui subi

ORANJESTAD, 25 mei - Te cu ayera e accion di Kiwanis Club di Aruba pa hanja lechi pa e muchanan di school, a alcanza e cantidad di 8,700 liber di lechi. Mientras tanto e donacionnan ta sigi drenta, Kiwanis Club kier suplica tur esnan cu ta manda donacionnan den forma di placa pa haci esaki via "Aruba Bank" na cual banco Kiwanis a habri un cuenta na nomber di "Kiwanis Milkathon".

Otro siman e miebronan di Kiwanis lo reuni cu e cabezantenan di school pa papia tocante di e mihor manera pa parti e lechi aki entre e muchanan.

"Durante di un agasajo cu e directiva di "Kiwanis Club" di Aruba a tene ayera noch den Strand Hotel cu e colaboradornan na e "Milkathon" di diarazon - anochi ultimo y algun representante di prensa, a ser informa cu e accion ta na rand pa alcanza di 9,000 liber.

E directiva di Kiwanis ta tratando pa yega e cifra di 10,000 liber di lechi, cual lo ta un cifra masha bunita, pa cuminsa e prome anja,



TEL. 2170

COOL

Electrically



ESCUCHE ESTA



CASSIUS

NOCHE



SONNY

CLAY vs LISTON

por el campeonato mundial de los
pesos completos. Narrada en Español desde el ringside

LEWISTON, MAINE A LAS 10:30 P.M.

POR RADIO KELK BOOM

una presentación exclusiva de la Cabalgata Deportiva

Gillette

POLIS TA INFORMA



Un chauffeur di un truck na Noord a duna keho na Kinder en Zedenpolitie cu e glas padilanti du su truck a worde destrui. E danjo cu a ser causa a monta na Fls. 350,-. A resulta cu cinco hoben, tur bao di diez anja, tabata bombardea otro cu piedra y como cu piedra no tin direccion un di nan a bai dal den "windshield" di e truck.

Ta logico awor cu e mayornan di e cinco muchanan tin di pone cabez huntu pa paga e gastu pa un glas nobo.

Den anochi di diasabra pa dia-domingo desconocidonan a tira un botter di rom - bashi naturalmente - den dormitorio di un cas cu ta keda banda di un bar na San Nicolas. Den e cuarto tabatin un dama y cuatro mucha drumi.

E botter a kibra y e pida glasnan a corta e dama levemente na su curpa. Recherche ta buscando e malhechor.

Un total di trintinuebe persona a bira victima di proces-verbaal durante week-end, polis a parti diezseis proces verbaal, a duna asistencia bintitres blaha.

A ser deponi na warda di Oranjestad un renchi di oro di homber y un oloshi di man color di oro, tambe di homber.

Bolsa di stampia na Militar Tehuis Savaneta

SAVANETA, 25 mei - E bolsa di stampia cu recientemente a ser

teni den e Militair Tehuis na Savaneta, tabatin bon resultado.

Riba dia 31 di mei venidero nan lo bolbe tene un bolsa di stampia na cual ademas di e militarnan e civilnan tambe ta bonbini pa cambia, cumpra of bende stampianan.

PICNIC ANUAL NA PIEDRA PLAT

PIEDRA PLAT, 25 mei - Riba dia di Ascencion diahuebs awor, ta worde teni for di cuat'or te ocho'or di anochi e anual picnic di famia na Piedra Plat. E bishitantenan no solamente por pasa nan boca cu un bon tayo di nasi goreng, tambe nan por contenta nan corazon cu e diferente weganan alegre, manera halamento di cabuya, tiramente cu skopet etc.

Un goochelaar lo ta e atraccion principal pa e muchanan. E muchanan ademas por presencia un poppenkast y por busca juguetenan cuanto cu nan kler den e grabbelton. E personanan cu ta gusta barbecue tambe ta hanja oportunidad na e feria aki.

T.C.A. A GANA DI GIBSON

(Di Nos Redactor Deportivo) Continuando e campeonato di Baseball Junior League e novena di T.C.A. for di Sta. Cruz a supera esun di Gibson cu score di 9-8. T.C.A. tabata tin ocho hit y un error, Gibson tabata tin seis hit y seis error.

D.R. Flemming a drenta como relevo den e cuatro inning pa P. Rosel a resulta pitcher ganador, mientras cu H. Roos a perde pa Gibson.

Ariba tereno di La Fama St. Jans Knapen a obtene comodo

triunfo riba Super Cleaning cu score di 14 pa 6, conectando 7 hit, mientras cu Super Cleaning tabata tin 8.

Den errornan St. Jans Knapen tabata tin uno y Super Cleaning 5. Tabata tin dos homerun, uno di R. Vorst di St. Jans Knapen y otro di F. Maxwell di Super Cleaning.

Pitcher ganador tabata E. Zieck, perdedor tabata L. Bryson. Wilson tambe a resulta mas fuerte cu Brazil ganando cu anotacion di 10 carrera pa 6. Wilson tabata tin 7 hit y 5 error, Brazil tabata tin 6 hit y 4 error.

R. Warner di I. Wilson a conecta e unico homerun di e wega. Pitcher ganador tabata A. Wouters.

À SLAAG PA MACHINIST

SAN NICOLAS, 25 mei - Dos empleado di "Division Oil Movements" di Lago, esta srs. O.L. Richardson y H.D. Orman kendenan ta traha abordo di touwboot "Esso San Nicolas", di Lago, a pasa nan examen pa machinist di touwboot satisfactoriamente.

Cargamento record na Lago

SAN NICOLAS, 25 mei - Recientemente un record nobo di cargamento di haf di San Nicolas E "Division Oil Movements" a carga 50,800 barrels (bati) den un hora di tempo riba e tanker "Magna". Ademas e tanker aki tabata cu excepcion di un, esun di mas grandi cu a yega di bishita Lago. Esun di mas grandi tabatin un capacidad di 62,000 ton.

ORA UN TORNADO DESATA SU FURIA...

Dia 11 di April, 1965, tabata Domingo di Rama -- un dia di meditacion en preparacion pa Pascu. Dia 11 di April tabata un dia di morto rapido y destruccion catastrifica den e region Oeste di Merca.

Di dia a habri cu un solo brillante y cielu limpi, pero nublanan a cuminsa bira pretu y bientunan masha duru den forma di columna a baha y pasa den mas qu 50 pueblo den seis estado. Den un periodo di 10 ora, 37 tornado a mata casi 250 persona, mas qu 5000 persona a keda herida y a causa un daño material di mas qu 235 million dollar.

Solamente algun ora promer qu e desaster aki a azota e estadonan aki, Presidente Johnson a duna si garantia di qu gobierno federal lo duna tur sorto ayuda na estado di Minnesota, caminda e rieuwnan Mississippi y di Minnesota, qu a subi masha haltu mes y despues di esei a traspasa nan borde pasando barricadanan di sacu di santu, a inunda ciudadnan y cunucunan y a forza miles di hende pa bandona nan cas pra qu e awa tabata mes haltu qu

nan dak di cas.

E hendenan di Iowa, Illinois, Michigan, Ohio, Indiana y Wisconsin tabata lesando e noticianan di e lucha di Minnesota contra e desaster natural aki ora qu e tornadonan a azota nan propio ciudadnan y puebleciconan, lagando nan babuca despues qu tur cos a pasa.

Ora qu e hendenan a sali for di nan bodega di cas y otro lugarnan, caminda nan a corre bai sconde purá purá pa e tornadonan, casi nan no por a kere loque nan vista tabata bisa nan, ora nan a haña nan enfrente di e destruccion masivo qu a keda atras despues qu e tornadonan a desaparece.

Nan a busca nan sernan querido, y a haña algun morto den lodo, otronan for di nan conocimiento y herida.

Solamente algun ora promer qu e tornadonan a desata nan furia, e hendenan aki tabata disfruta di e tranquilidad di un dia-domingo típico.....

Despues di e tornadonan, tur cos a cambia. Caminda qu e sobrevivientenan a bira nan cara, nan a mira casnan kibra y destrui, curánan di cas yen di sushi y ruina, misanan kibra y habri for di otro, centronan di compra completamente destruí, palunan grandi meimei di caya, paluan di lus y telefon na suela, autonan dobla manera blikie, y camindanan bloquea cu yen di obstaculo.

Pero e hendenan qu ta habita e ciudadnan aki, den nan agonía, no a keda paralisá pa hopi ora, ni tampoco nan no a keda inmovilís pa e shock inicial di nan tragedia.

Pronto e confusion a cambia pa trabao di rescate ordená y rehabilitacion. Caos a reina solamente pa un momento.

Ora tin inundacion of manera a sosode na April, tornadonan azota un region, e reaccion di comunidad ta rapido y fluido. Rapidamente nan ta percura pa ayuda medico.

Inmediatamente Cruz Roja, Salvation Army, organisacionnan di veteranonan di guerra, Defensa civil, unidnan di Guardia Nacional, polis y bomberonan a percura pa ayudo pa e victimanan.

Trahadornan di Cruz Roja a yuda e victimanan na hopi manera. Enfermeranan a percura pa asistencia di emergencia pa elesionadonan na e clinicanan y hospitalnan temporaria qu a ser instalá.

Tabatin donacion di plasma di sanger. Cantinan móvil di Cruz Roja a sali pa e comunidnan qu a sufri di e tornadonan y a parti cuminda y remedi pa e trahadornan di rescate y esunnan qu a perde nan cas.

Un cantina a bini Indiana for di un distancia di casi 1600 kilometer leeuw.

Cruz Roja a duna cuminda, voluntarianan femenina a cushinele y asina nan tabata reparti diesmil cuminda pa dia. E cuartel general di Cruz Roja na Washington, qu a gasta 2 million dollar pa e victimanan, a ricibi mensahenan di simpatia y proposicionnan di ayudo for di sociedadnan di Cruz Roja na Canada, Filipinas, Republica di China, Yugoslavia, Japon, Korea, Gran Bretaña, Francia, Ecuador, Peru y otro paisnan.

Gobernadornan di otro estadonan a manda tropanan di Guardia Nacional pa mantene orden contra elementonan qu kiera hasi uso di e confusion pa horta tur

loque nan por a bisa bai cune. E organisacionnan ai veteranonan di guerra a contribui cu trahadornan pa yuda limpia e suiedad qu a keda. Tres mil miembro di e cuerpo auxiliar di Highway Patrol a yuda dirigi trafico for di e areanan di desaster. Miles di sala di club a ser poné na disposicion di personanan qu a perde nan cas.

Atencion primaria a bai na drechamentu di e facilidnan di corriente, telefon, gas y awa pa e casnan qu a keda intacto. Mester a limpia e cayanen yen di sushi rapidamente. Tur caminda tabatin teamwork mientras qu estrañeronan y amigunan tabata coopera cu otro den e tarea gigantesca di pone cada comunidad azotá riba su pia atrobe.

Polisnan y bomberonan di comunidnan cercano di e area di desaster a sali rapidamente pa bai yuda den e trabao di rescate. Chauffeurnan di truck a ofrece ayudo voluntario. Organizacionnan femenina a ofrece pa organisa centronan temporaria pa cuido di muchanan mientras qu e mayornan por a dedica nan tempu na drechamentu di nan cas. Tabatin un gran cantidad di mucha entre e 250 personanan qu a perde nan bida durante e ataque tornado.

Continua pag 7



senora Margaret Roberts y su dos yiu muhernan di 13 y 11 aña, tabatin suerte qu nan no tabat na cas ora qu un tornado

a bishita nan cas na Manitou, Michigan. Nan tabata di paseo cerca algun amigu ora qu e twister a baha riba nan ciudad.

Continuacion 6

Representantenan dicompantanan di asegurado tabata rapidamente na lugar di e escena di tragedia pa regla pagamentu di e claimnan pa casnan qu tabata sigurá.

E tesoro di Illinois a transferi un millon dollar na fondonan di estado pa Crystal Lake, un comunidad fuertemente azotá y qu ta keda na norte di Chicago, pa fla e victimanan di e tornado.

Gobierno federal tambe a bini cu ayudo financiero pa e comunidadnan, ofreciendo creditonan cu interes masha abao pa yuda reconstrui casnan, school, misanan, tiendanan, industria y servicjonan di utilidad.

E ayudo federal a ser coordiná pa e Oficina di Planeamiento di Emergencia, qu ta responsabel pa coordina e asistencia di parti di oficinanan estatal y federal, den e combate contra e efectonan di e desasternan qu ta bai mas ayá di e capacidadnan di un individuo pa ser combati, un individuo.

Bao di e coordinacion aki, e victimanan di e tornado a ser yudá pa agencianan manera Departamento di Defensa, e Cuerpo di Ingenieronan, Oficina di Carreteranan Publico, Departamento di Agricultura, servicio di salubridad publico y hopi otro mas.

Orville Freeman, e Secretario di Agricultura a recomenda e personanan qu tabata encargá cu e programa di repartí lunch na schoolnan y distribucion di utensilionan casera na e victimanan di e tornado bisando qu nan ta "un ehemplo di e dedicacion desinteresá qu a ser demostrá pa centenares di empleadonan local, estatal y Federal durante e desaster grandi aki."

Cuminda procedente for di magazinanan di propiedad di gobiernu y qu tabata e reservanan agriculatural a ser transporta pa e comunidadnan qu a ser afilgi pa e desaster di mas grandi den historia di Indiana. Di e seis estadonan qu a ser azota pa e tornado, Indiana tabatin mas morto -- 128.

Na Minnesota, caminda e awa di Mississippi tabata kibra diquenan y tabata causa panico, trahadornan a keda pará di día y anochi riba nan pia durante simannan largu pa scapa casnan y fabricanan den e area industrial. Na Minnesota no tabatin asina tantumorto -- solamente 10 hende a perde nan pida -- pero binti mil persona mester a bandona nan cas, di cualnan hopi tabata bao di awa te na nan dak. E daño material na propiedad di e habitantenan a subi na mas qu 50 millon dollar.

Na St. Paul, capital di e estado, doñonan di cas, comerciantenan, obreronan y estudiantenan colegial y hasta muchanan teenager qu ta bai school tabata lucha schouder contra schouder, yenando sacunan di santu y poniendo di tal manera qu nan lo a brinda maximo resistencia contra e furor di e awanan subiendo.

Cien preso a ser liberá pa bai combati e awa combati e desaster.

Gobernador Kari F. Roivaag di Minnesota a eiogia e milles di voluntarionan y a declara qu e "ciudadanonan di Minnesota tin un debe cu e personanan anonimo aki pa nan esfuersonan heroico y pa e gran cantidad di sacrificjonan qu nan a hasi".

E comentario di gobernador James A. Rhodes di Ohio tabata qu loque el a mira a "shock" e.

Presidente Johnson a bai inspecciona e dañonan causá pa e tornado y awanan y a declara qu loque el a mira ta casi increíble y terrible. Johnson a cana door di e ruinan di loque a sobra di algun cas, y a consola algun doño di cas, dunando nan e garantia qu "gobierno lo hasi tur loque ta den su poder pa yuda nan".

Pa e hendenan mes qu a mira e tornadonan baha for di cielu y ranca nan cas bai cune, e cos aki tabata e experiencia di mas horrible y terrífico den nan bida.

"E cos tabata zona mescos qu e sonido di como cien jet huntú",



Señora Tony Drobic, un voluntario di Cruz Roja di Kokomo, Indiana, ta discuti e daño ocasiona na casnan di victimanan na Russiaville, Indiana. E promer cos qu Cruz Roja a hasi tabata pa busca ayudo financiera pa e victimanan.

asina un muher a declara. E bochincha, segun un comerciante, tabata parse e zonido di masha tantu motor diesel huntú. Alcalde di un ciudad qu casi a ser elimina for di superficie, a declara qu "nos ciudad a keda como si fuera ta un bomba atomica nan a tira riba dje". Algun hende bleeuw a recorda qu como cuarenta aña algun di e

tornadonan mas violento a azota Merca.

Dia 18 di maart, 1925, tornadonan a mata 689 persona na Illinois, Indiana y Missouri.

Tornadonan no ta e exhibicionnan di poder natural mas violento y menos predecible qu ta existi.

Tornadonan ta e exhibicionnan di poder natural mas violento y menos predecible qu ta existi. Tin blaha punta qu ta toca na terra y qu ta parse dedenan di

destruccion, ta algun centenares di pia hanchu o tin blaha solamente algun centenares di yarda hanchu.

Tin blaha nan ta keda drei rond, of nan ta forma un U-stand, para ketu of move bai dilanti

cu un velocidad di 80 kilometer pa ora.

Bientunan tornadico ta ser calcula 500 te cu 1300 kilometer pa ora.

Para una Exquisita Fumada los Ricos Tabacos

ELISABETH BAS



Un cadena humano ta pasa sacunan di santu pa reforza un punto debil den e dique qu tin qu wanta e awanan di Red

River na East Grand Forks, Minnesota. Tin blaha nan tabatin qu pasa hasta riba dak di e cas pa trese sacu di santu.

NP KIRBY

pa cortesia di:

Agente exclusivo di FRIESCHE VLAG lechi evaporado y lechi en polvo

JAN BODEGOM & CO (ARUBA)


MAXWELL HOUSE KOFFIE



DICK TRACY

presenta pa cortesia di:

VICTORIA BOTTLING COMPANY

PEPSI-COLA --- SEVEN UP --- GRAPETTE-KIST --- VICTORIA SODA WATER---
BUFFALO ROCK--- GINGER ALE

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



Rusia a bisa cu Merca a cuminsa destrui potencia economica di Norvietnam

MOSCU -- UPI -- Union Sovietica a afirma qu e presidente norteamericano Lyndon B. Johnson "aparentemente a dicidi na cuminsa destrui e potencial economica di Vietnam del Norte".

Ne mesun tempu ela ripiti qu Kremlin lo aumenta su ayuda militar ne regimen di Hanoi "den caso necesario".

E agencia oficial di noticia "Tass" a bisa qu e atake qu a ser tene pa parti di aviacion norteamericano contra un objetivo norvietnames na solamente 90 kilometer for di Hanoi ta "demostrando qu e agresion norteamerica-

cano ta hañando camindanan nobo pa trese mas sinistros".

E noticia ta agrega qu "Washington a dicidi aparentemente na cuminsa destrui e potencial economico di Vietnam del Norte, y esaki lo mester ser hasi di conforme cu ordennan directo di Casa Blanca".

Di su parti, e corant "Pravda", organo oficial di Partido Comunista, a bisa qu "Union Sovietica tabata dunando ayuda di defensa ne regimen di Hanoi", y a agrega qu tal ayuda "lo ser aumenta den caso qu esaki lo ta necesario".

nan norteamericano.

E aparatonan incursor a ataca cuartel, brug, ferrocarril, camindanan y un station di radar. Un avion jet di forza aerea di Estados Unidos a ser tumbá, pero su piloto a bula cu paracaídas y ela ser salvá.

Na Hanoi, Ho Chi Minh, a bisa qu e incursionnan aerea solamente lo por crea "e determinacion entre e norvietnamesnan pa bringa te ne victoria final".

E declaracion aki di e lider norvietnames ta figura den un mensaje qu ela manda pe partido comunista di Indonesia cu motibu di e di 45 aniversario di su instauracion.

Na terra, entretantu, e paracaidistan norteamericano a experimenta nan prome bajanan. Dos miembro di e brigada 173 a resulta herida den un trampa explosiva pa pida pida granadan comunista ora qu nantabata hasiendo un mision di patrullaje banda di e estrategica base aerea Bien Hoa, pafor di Saigon.

Nan a informa, tambe, morto di tres solda norteamericano den un emboscada norte di Saigon, y di un herido y un otro desaparecido, qu segun nanta ke re a ser captura pe enemigu.

Banda di e gran base Da Nang, infanteria di marina di Estados Unidos, a sostene un tiroteo fuerte cu e francotirador nan comunista resultando un mucha muher sudvietnames di seis aña di edad, morto, quende a ser alcanza pa tiramentu for di un cas den becindario.

Di otro banda, e prome mi-

nistro sudvietnames Than Huy Quat, a obtene respaldo di e militarnan pe accion di Gobierno contra e participantenan den conspiracionnan recientemente descubri cual su fin tabata pa ejecuta un golpe di estado na favor di e comunistanan.

Sin embargo, e prome ministro mester a priminti un "limpieza" den e administracion civil, durante e reunion di tresora y mei qu ela sostene qu hefe nan haltu di ejercito.

ACTIVIDAD TERRORISTA NA MONTREAL

MONTREAL--UPI--Un bomba explosiva awe marduga den e edificio di una empresa seguro, net na momento cu e feriado nacional a cuminsa na Honor di Reina Victoria, No tabatin persona lesiona.

Pollisan a descubri ademá otro dos artefactonan explosivo, un den un cuartel di e exercito y e otro den e ultimo piso di e oficina postal federal. E bomba bula den e edificio di Prudential Assurance Co.

Mas ataque mericano y survietnames riba Vietnam Norte

SAIGON -- UPI -- Mas o menos 160 avion di Estados Unidos, y di Vietnam del Sur a ataca cu bom, cohete y proyectilnan, objetivo-

nan di Vietnam del Norte, cual su presidente, Ho Chi Minh, a declara qu su pais lo sede pa qu e presion di e bombardeo-

AGENDA

POR CUMPA ARUBAANSE
COURANT NA E SIGUIENTE
LUGARNAN:

NA ORANJESTAD:
BOEKHANDEL MAREKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

RADIO KELKBOOM

7.00 Opening
7.02 Bon dia cu Alegria (Instrumental)
7.30 Noticia Internacional
8.00 Seleccion Musical cu disconan Latino Americano.
8.30 Cumpleaños Feliz
9.00 Noticia Social
9.15 Peticion Musical pa Telefono
10.00 Noticia Internacional
10.05 Musica Varia
10.30 Programa di N. Habibe Jr.
11.00 Noticia Internacional
11.05 Musica Norte Americana
11.15 Musica Antillana
11.30 Musica Varia

12.15 Noticia Internacional (Amstel)
12.30 Musica Norte Americana
12.45 Noticia Local (Viana)
01.00 Variacion di Ritmo Latino
01.30 Mei ora cu Boleros
02.00 Noticia
02.05 Novela Repeticion
02.30 Peticiones
03.00 Noticia
03.15 Ritmos di Caribe
03.45 La Macorisana & Internacional Supermarket
04.00 Musica cu sabor Azteca
04.30 Noticia Local (Heineken's)
04.45 Cocktail Musical
05.00 Musica Varia
05.15 Musica Varia
06.00 Noticia Deportivo (Gillette)
06.15 Musica Varia
06.30 Musica para la cena

07.00 Musica Hulandez
07.45 Musica Norte Americano (instr.)
08.15 Novela (Golgate)
08.45 Musica Varia.
09.15 Verzoekplaten Programma
09.45 Musica Varia
10.00 Sluiting

RADIO ANTILLIANA

5.30 Apertura y Oracion
5.35 Manianitas Arubanas
5.45 Melodias di Wild West
6.10 Noticia na Ingles
6.30 Noticia na Papiamentu-Viana

7.00 Noticia na Ingles
7.30 Noticia na Papiamentu-Autorama
7.45 Programa di Jule Nieuw
8.00 Espacio pa un ritmo criollo y un poesia.

8.10 Variedad Musical
8.30 Musica y consejo pa nos amigonan automobilista.
9.00 Noticia na Papiamentu
9.15 Musica Norte-Americano.
9.30 Mejico Cantando Via Radio Antillana

10.00 Intermedio Musical
10.10 Noticia na Ingles
10.20 Programa di La Macorisana e International Supermarkets

10.40 Momento di Ritmo
11.00 See changes
11.15 Voznan Popular
12.00 p.m. Oracion di Merdia
12.03 Seccion Informativo
12.20 Noticia na Papiamentu Viana
12.30 English News - Panam

Nobo Nobo Nobo
Nassaustraat 34

Nos a caba di ricibi for di Inglaterra tela Tweed, cu no ta machiká. Un bunita coleccion di Linnen lino den tur color, y bon calidad. Tambe tela Arnel nobo bunita disenja. Linnen borda, algo exclusivo!